




REPUBLIKA E KOSOVËS  
REPUBLIKA KOSOVA/REPUBLIC OF KOSOVO  
KOMUNA E GJILANIT



---

ZYRA E KRYETARIT  
KANCELARIJA PRESEDNIKA - MAYOR' S OFFICE – BAŞKAN OFISI

---

# **RAPORTI GJASHTËMUJORË I PUNËS**

## **Janar – Qershor 2019**

Gjiçan, Korrik 2019

**Përmbajtja**.....

Fjala hyrëse e Kryetarit të Komunës, z. Lutfi Haziri.....

Raportet e Drejtorive të Administratës Komunale.....

1. Drejtoria e Administratës së Përgjithshme.....
2. Drejtoria e Bujqësisë, Pylltarisë dhe Zhvillim Rural.....
3. Drejtoria për Shërbime Publike, Infrastrukturë dhe Banim.....
4. Drejtoria e Arsimit.....
5. Drejtoria për Gjeodezi, Kadastër dhe Pronë.....
6. Drejtoria e Shëndetësisë dhe Mirëqenies Sociale.....
7. Drejtoria për Urbanizëm, Planifikim dhe Mbrojtje të Mjedisit.....
8. Drejtoria e Inspeksionit.....
9. Drejtoria për Buxhet dhe Financa.....
10. Drejtoria për Zhvillim Ekonomik.....
11. Drejtoria për Mbrojtje dhe Shpëtim.....
12. Drejtoria për Kulturë, Rini dhe Sport.....

**Raportet e Zyrave dhe Njësive**.....

1. Departamenti i Prokurimit.....
2. Njësia e Kuvendit.....
3. Njësia për Personel.....
4. Njësia për të Drejtat e Njeriut.....
5. Njësia e Auditimit të Brendshëm.....
6. Zyra Ligjore.....
7. Zyra për Informim.....
8. Zyra për Integritet Evropian.....
9. Zyra për Komunitete dhe Kthim .....
10. Zyra e Avokatit.....
11. Zyra për Preshevë, Bujanocë dhe Medvegjë.....

## Fjala e Kryetarit të Komunës, z. Lutfi Haziri

E nderuar zonja kryesuese e Kuvendit,

Të nderuar anëtarë të Kuvendit,

Drejtorë dhe përfaqësues së institucioneve të Komunës, shoqërisë civile dhe mediave,

Gjatë këtij gjashtëmujori 2019, duke marr parasysh të gjitha sukseset, por edhe sfidat dhe vështirësitë me të cilat është përballur Administrata Komunale në përgjithësi, është kënaqësi të ju raportoj që Komuna e Gjilanit, ka arritur që të kryej pjesën më të madhe të objektivave, aktiviteteve si dhe detyrave sipas planifikimeve strategjike dhe në përputhje me legjislacionin në fuqi.

Raporti gjashtëmujorë i këtij viti paraqet një pasqyrë të detajuar të aktiviteteve të Komunës duke theksuar të arriturat kryesore të rezultuara me suksese të shumta duke zhvilluar nivel të shtuar të punëve të cilat janë prezantuar më hollësisht në këtë raport.

Ashtu sikurse edhe në vitet paraprake, këto të arritura janë rezultat duke ju falënderuar punës së përkushtuar dhe të përbashkët të drejtorëve të drejtorive të administratës, udhëheqësve të sektorëve si dhe shërbyesve civilë për t'i përmbushur objektivat e institucionit komunal për ndërtimin e një administrate profesionale të përgjegjshme dhe në shërbim të qytetarëve.

Në raport janë paraqitur projektet dhe aktivitetet e kryera dhe ato që janë në proces të realizimit të secilës drejtori dhe secilës njësi organizative, ku ndërmjet tjerash, ju të nderuar anëtarë të kuvendit komunal, qytetarët e nderuar, kanë mundësinë për t'u informuar më në hollësi përkthazi me çështjet e raportuara në këtë dokument si për projektet madhore, investimet në infrastrukturë, çështjet buxhetore, të arriturat në arsim, shëndetësi, subvencionimi i bujqve, aktivitetet kulturore, bashkëpunimet e komunës me instancat e tjera vendore dhe ndërkombëtare si dhe të gjitha fushat dhe shërbimet e tjera administrative që prekin interesat e përditshme të qytetarëve të komunës sonë.

Edhe ky gjysmë vit është përcjellë me suksese, aktivitete, projekte dhe investime të shumta nga të gjitha fushat duke bërë që bashkërisht të iniciojmë dhe realizojmë projekte të shumta krahas edhe shërbimeve të tjera për qytetarë. Është vit i përcjellë me projekte, investime dhe konfirmime të fuqishme nga donatorë të shumtë dhe investitorë të ndryshëm për investime në Komunën e Gjilanit.

Në fjalën time për Raportin e Punës për periudhën janar – qershor të vitit 2019, po e paraqes shkurtimisht në mënyrë që të keni hapësirën dhe kohën edhe ju si anëtarë të kuvendit komunal për të marrë informacione shtesë për punën dhe aktivitetet që kemi realizuar gjatë kësaj periudhe.

Ju falënderoj të gjithëve për punën, angazhimin, dhe kontributin tuaj në të mirë të Komunës sonë dhe qytetarëve tanë? Për çfarëdo pyetje shtesë që mund të keni, ju lutem t'i adresoni ato tek ne dhe drejtoritë përkatëse për përgjigje ose shpjegime shtesë.

## I. DREJTORIA PËR ADMINISTRATË E PËRGJITHSHME

1.Gjatë kësaj periudhe gjashtë mujore, jemi fokusuar në objektivin kryesor dhe më të rëndësishmin e kësaj drejtorie, ngritja e nivelit të përgjegjësisë dhe disiplinës në punë, shtimin e efikasitetit në trajtimin dhe vendosjen e kërkesave të parashtruara nga ana e qytetarëve/bizneset si dhe subjektet e tjera brenda afateve ligjore, si nga ana e Sektorit të Gjendjes Civile e po ashtu edhe nga ana e Qendrës për Shërbime me Qytetarë.

2.Drejtoria për Administratë e Përgjithshme nëpërmjet Qendrës për Shërbime me Qytetarë ka qenë mjaft efikase dhe funksionale në realizimin lëndëve si të përfunduara me kohë dhe brenda afateve. Në këtë periudhë gjashtë mujore , përmes QSHQ-së, janë pranuar: **76539** kërkesa nga palët, adresuar organeve komunale për shqyrtim dhe vendosje, të përfunduara janë: **70727**, ndërsa në proces janë: **5812**.

Shikuar në aspektin e përqindjes, rezulton se Komuna e Gjilanit, i ka kryer lëndët sipas Ligjit të Procedurës Administrative me një përqindje të kënaqshme prej: **92.4%**.

3.Po ashtu edhe Sektori i Gjendjes Civile, ka qenë mjaft efikas në lëshimin e dokumenteve të gjendjes civile, zhvillimin e procedurave administrative sipas kërkesave të palëve si dhe në realizimin lëndëve të përfunduara me kohë. Në këtë periudhë kohore janë lëshuar dhe zhvilluar procedura tjera administrative: **60911**.

4.Në bashkëpunim me dy drejtoritë të Administratës Komunale atë : për Urbanizëm, Planifikim dhe Mbrojtje të Mjedisit si dhe Gjeodezi, Kadastër dhe Pronë, kemi zhvilluar aktivitetin pronësor - juridik dhe ende jemi në procedim e sipër për sa i përket përgatitjeve për funksionalizimin e dy zyrave të gjendjes civile në qytet, njëra në lagjen “Dardania” dhe tjetra në lagjen “Arbëria”, projekt që ka për qëllim të bëhet dekoncentrimi i shërbimeve administrative, që ato të jenë sa më afër qytetarëve ku ata jetojnë dhe veprojnë. Me datë: 30.05.2019, Kuvendi i Komunës së Gjilanit, miratoi iniciativën e Drejtorisë për Administratë e Përgjithshme përkitazi me këtë çështje.

5.Jemi në zbatim e sipër lidhur me aktivitetin për sa i përket Riparimit Fizik të Librave të Gjendjes Civile me qëllim që të krijojmë lehtësira teknike administrative për zyrtarët e Gjendjes Civile për të siguruar objektivitet, efikasitet dhe transparencë gjatë kryerjes së shërbimeve administrative në raport me qytetarët. Ky aktivitet pritet të përfundojë në fund të muajit gusht 2019.

6.Jemi në fazën përfundimtare të aktivitetit që ka të bëjë me organizimin e punëve të arkivit Komunal. Po thuajse i tërë dokumentacioni i Drejtorive, Njësive Administrative dhe Organeve të tjera të Komunës, po regjistrohet dhe sistemohet sipas standardeve ligjore në kuadër të Arkivit të Komunës , proces i cili krijon kushte më të mira dhe të shpejta për menaxhimin sa më efikas të lëndëve në raport me institucionin komunal dhe qytetarët.

## Shërbimi i Autoparkut:

Kujdeset për automjetet zyrtare të Komunës. Ky shërbim ka detyra dhe obligime permanente, por edhe procedurat për shfrytëzimin e automjeteve të Komunës janë të njohura.

Kërkesat për shfrytëzim javor të automjeteve bëhen nga drejtoritë komunale ku përfshihet transporti lokal dhe fshatrat e Komunës, kjo kërkesë nënshkruhet nga drejtori i drejtorisë apo i autorizuari i tij/saj, ndërsa kërkesat për shfrytëzim të automjeteve jashtë Komunës, aprovohen nga Kryetari i Komunës.

Viti	Numri i automjeteve	Kilometrat e kaluara	Shpenzimet me derivate	%
2018	32	106227	9,563.65	9.01
2019	31	111736	9,369.20	8.39
Dallimi	- 1	+5509	-194.45	-0.62

Vlen të theksohet se Komuna i ndihmon organizatat e ndryshme në regjistrimin si dhe servisimin e automjeteve sipas kërkesave të tyre si: Hendikosi dhe Shoqata e të Verbërve.

Gjatë këtyre tre muajve të fundit si sfida kryesore ka qenë mungesa e certifikatave origjinale. Jemi ballafaquar me kërkesat e qytetarëve për t'u pajisur me certifikata origjinale sipas nevojave të tyre. Ministria e Punëve të Brendshme si kompetente në këtë aspekt më datë: 01.07.2019, e ka bërë furnizimin me certifikata. Falë bashkëpunimit me disa prej Komunave të Republikës së Kosovës të cilat na kanë ndihmuar duke na huazuar një numër të certifikatave, kemi arritur që sa do pak ta tejkalojmë këtë situatë në raport me qytetarë.

## II. DREJTORIA PËR BUJQËSI, PYLLTARI DHE ZHVILLIM RURAL

Në harmoni me planin e punës për vitin 2019, investimet i kemi orientuar në bazë të prioriteteve strategjike të sektorëve. Kemi subvencionuar në plotëni mbjelljet pranverore, me qëllim të punimit maksimal të tokës bujqësore. Kujdesshëm po e trajtojmë prodhimtarinë në ambientet e mbyllura, duke e maksimalizuar shfrytëzimin e sipërfaqes tokësore, si dhe pajisjen e fermerëve me mekanizim bujqësor me qëllim të përgatitjes sa më cilësore të tokës.

Spektori i blegtorisë është trajtuar me prioritet të lartë duke mbështetur fermerët me gjedhet e racës simental për përmirësim racor, makina mjelëse dhe mbështetjen e bletarëve me shtëpiza trekatëshe të tipit L & R.E dhe këtë vit do të vazhdojmë me trajtimin e rrugëve fushore.

Kemi bashkëpunuar ngushtë me organizata vendore e ndërkombëtare, si dhe me organet tjera përgjegjëse të Qeverisë së Kosovës.

## Implementimi i projekteve :

1. Këtë vit e kemi filluar me implementimin e projektit të komisionit Evropian, ku përfituesit kryesor janë të rinjtë në agrobiznes. Projekti u mundëson 100 studentëve apo sapo të diplomuarve të kryejnë praktikë tre mujore me pagesë, do të mbështetën 10 ndërmarrje që zhvillojnë turizmin rural dhe 52 biznese fillestare, Start up “do të fitojnë grantet e vogla në vlerë prej 2.500 €.Vlera e subvencioneve në këtë program është **226,856.00 €**.

2.Në kuadër të mbështetjes së fermave blegtorale, me qëllim të mbarështimit dhe përmirësimit racor, bazuar në marrëveshjen e bashkëpunimit të SHMAT „ ARBËRIA “ dhe Komunës së Gjilanit nr.1042,të datës 05.11.2018, kjo shkollë ka ofruar në dispozicion pesë krerë gjedhe:

Nr.	Nr. Identifikues	Lloji	Data e lindjes
1.	RKS-11389715	Lopë	11.02.2012
2.	RKS-10789400	Lopë	27.07.2016
3.	RKS-11467888	Viç – mashkull	25.02.2018
4.	RKS-11471725	Viç – mashkull	13.09.2018
5.	RKS-11471681	Viç – mashkull	23.10.2018

Me datë: **08.01.2019**, kemi publikuar thirrjen për aplikim, ku kemi pranuar 32 aplikacione dhe komisioni ka përzgjedhur 5 fermerët më meritore për kultivim dhe përmirësim racor. Shpërndarja e gjedheve është bërë me 07.02.2019.

3.Nga data **04.02.2019**, kemi publikuar ankandin për dhënien e vendgjuetive në menaxhim dhe bashkë me komisionin e ankandëve kemi proceduar të gjitha aktivitetet e kërkuara me ligjin e Gjuetisë nr.02/ L-53 dhe Udhëzimit Administrativ nr.06/2009.

Me datë: 07.03.2019, komisioni pas leximit të ofertave konstatoi se:

Vend gjuetia,, Maja e gjelbër ”oferta ekonomike më e favorshme ishte e SHGJ,,PETRITI”

Vendgjuetia „ Karadaku ” oferta ekonomike më e favorshme ishte e SHGJ „ AGIM RAMADANI ” .dhe

Vendgjuetia „ Zhegoc ” oferta ekonomike më e favorshme ishte e SHGJ „ UJKU ”.

Pas marrjes së pëlqimit nga MBPZHR, me datën: **03.05.2019** është nënshkruar kontrata 10 vjeçare e dhënies në menaxhim të tri vendgjuetive të përbashkëta.

4.Me datë **05.02.2019** kemi pasur edhe një sesion bashkëpunues me IADK-ën për kultivimin e bimëve mjekësore aromatike, mbajtjen e trajnimeve dhe mbajtjen e praktikës me pagesë të tre Agronomëve të rinjë për periudhë tre mujore. Nga ky bashkëpunim përpos 3 Agronomëve të sapo diplomuar kanë përfituar edhe 3 fermerë tharëse 100 m<sup>2</sup>, fidanë të bimëve aromatike, mekanizim dhe sisteme të ujitjes.

5.Subvencionimi i mbjelljeve pranverore, si masë e përhershme është bërë me farë misri. Ky projekt është implementuar me datë: **11.04.2019** dhe kanë përfituar **572** fermerë. Janë shpërndarë 800 thasë farë misri të institutit të Osjekut, në vlerë prej **16.400.00 €**.

6. Me datën **20.05.2019**, është nënshkruar memorandumi i bashkëpunimit me kompaninë „ **Shell Kosova** “ për subvencionimin e naftës për fermerë për 5 cent / litër. Gjithashtu, kemi vazhduar kontratën edhe me „**Hib Petrolin**“ e cila ka shprehur gatishmërinë për subvencionimin e naftës për fermerë në vlerë prej 6 cent / litër.

7.Nga fillimi i muajit qershor ka nisur aplikimi i fermerëve për skemën e subvencioneve dhe granteve të MBPZHR. Pasi që ky aplikim ka filluar me shumë vonesë, jemi mobilizuar me të gjitha kapacitetet duke punuar edhe pas orarit të punës, si dhe ditëve të shtune dhe kemi arritur t’ju ofrojmë asistencë **1054** fermerëve.

8. Me datë **11.06.2019**, në vigjilje të ditës së çlirimit kemi implementuar dy projekte: **Furnizim i bletarëve me shtëpiza trekatëshe të tipit L&R** ”. Në këtë projekt kemi pranuar **70** aplikacione dhe të gjithë kanë qenë përfitues. Janë shpërndarë 250 shtëpiza trekatëshe dhe vlera e këtij projekti është **8,600.00 €** dhe

„ **Furnizim i blegtorëve me makina mjelëse** “. Në këtë projekt kemi pasur 95 aplikime dhe kanë përfituar **40** fermerë që kultivojnë mbi pesë krerë lopë qumështore dhe nuk kanë qenë përfitues asnjëherë më parë. Vlera e këtij projekti është **6,760.00 €**

9. Me datë: **17.06.2019**, është përmbyllur projekti i „ **Serra vetëzinguara** “ me foli dhe montim. Në këtë projekt kemi pasur 90 aplikacione dhe kemi përzgjedhur 20 perimtarët më meritor. Kryesisht janë trajtuar fermerët në zonat e rrafshëta dhe që kanë përvojë të mjaftueshme në kultivim të perimeve. Vlera e këtij projekti është **33,670.00 €**.

**Projektet në proces:** kemi përfunduar pranimin e aplikacioneve për „ **Mekanizim bujqësor** “ ku interesimi është tepër i madh dhe për 70 mekanizma bujqësor kanë aplikuar 274 fermerë. Jemi në fazën e përpunimit të lëndëve dhe gjatë muajit korrik do të mbyllet ky projekt.

Edhe këtë vit do të vazhdohet me projektin e „ **Rrugëve fushore** “ , është përzgjedhur operatori dhe për pak ditë do të nisim punimet.

**Spektori i Pyltarisë:** gjatë kësaj periudhe kohore kemi ngritur **233** fletëparaqitje prej të cilave **199** për kundërvajtje, **7** penale dhe **27** për transport. Për këtë periudhë kohore kemi pasur **25** raste të konfiskimit të druve në sasi prej **56.35 m<sup>3</sup>**. Në bazë të planifikimeve vjetore të shfrytëzimit të masës drusore për vitin 2019 nga Agjencinë Pyjor i Kosovës, janë planifikuar prerja e masës drusore me vëllim prej **1.768 m<sup>3</sup>** në njësinë menaxhuese në Zhegoc.

Pasi që procedurat e prokurimit i udhëheqim ne, me datë 30.04.2019 kemi iniciuar procedurat për gjetjen e operatorit për shitjen e masës drusore në këmbë.

### **III. DREJTORIA PËR SHËRBIME PUBLIKE, INFRASTRUKTURË DHE BANIM**

Bazuar në obligimet e drejtorisë dhe kompetencat e saj, Ligjet e Kosovës, Rregulloret dhe Udhëzimet e ndryshme Administrative si dhe në dispozitat ligjore të aplikueshme të cilat i përkasin fushë veprimtarisë së vet - Drejtoria për Shërbime Publike, Infrastrukturë dhe Banim konform buxhetit të projektuar - synim të vetin ka pasur arritjen e këtyre objektivave:

- Ngritja e ofrimit të shërbimeve ndaj qytetarëve;
- Kompletimi dhe harmonizimi i infrastrukturës ligjore-akteve normative nga fushëveprimi i drejtorisë, me Ligjet dhe Rregulloret në fuqi;
- Realizimin e sa më tepër projekteve me interes për qytetarët dhe Komunën në përgjithësi;
- Mirëmbajtja e projekteve të realizuara që kanë të bëjnë me shërbimet publike-infrastrukturën;
- Identifikimi i problemeve të infrastrukturës në përgjithësi dhe inicimi, ofrimi i zgjidhjeve të mundshme;
- Krijimi i një ambienti më të sigurt dhe më të shëndoshë për qytetarët.

#### **1. Statusi i lëndëve në procedurë Administrative :**

Drejtorija për Shërbime Publike, Infrastrukturë dhe Banim në procedurë administrative ka shqyrtuar një numër të kërkesave dhe atë konform LPA dhe sistemit unik të përcaktuar nga MAPL për administratën komunale brenda afatit ligjor janë trajtuar; gjithsej 639 lëndë.

Të hyrat në DSHPIB gjate këtij 6 mujori janë 191,029.58 euro

Drejtorija për Shërbime Publike, Infrastrukturë dhe Banim është përgjegjëse për koordinimin dhe rregullimin e transportit brenda territorit të saj duke përfshirë edhe transportin e rregullt të udhëtarëve me taksi dhe me autobus.

Numri taksistëve legal të cilët janë të pajisur me leje për operim brenda territorit të Komunës së Gjilanit deri me 30.6.2019 është 188.

#### **2. Projektet kapitale si dhe kontratat që ofrojnë shërbime për qytetarë:**

2.1. Projekti - Mirëmbajtja Dimërore e rrugëve të Komunës së Gjilanit 2018/2019 kontraktues ka qenë kompania “Vemor Shpk& Conex “ Sh.p.k

Kontrata ka filluar nga data 25.11.2018 dhe ka afat 3 vjeçar, në fund të vitit 2018 dhe fillim të 2019 ka pasur reshje të bores dhe bllokim të fshatrave dhe rrugëve nëpër qytet, por me një angazhim të stafit të DSHPIB si dhe Kompanisë së kontraktuar, ja kemi dalë që me sukses të debllokojmë dhe pastrojmë të gjitha rrugët e qytetit si dhe në zonat e thella të fshatrave të komunës tonë.

2.2. Për projektin “Mirëmbajtja verore e rrugëve në qytet dhe fshatra të komunës së Gjilanit, me anë të kësaj kontrate janë sanuar të gjitha rrugët kryesore në qytet si dhe jemi duke vazhduar



në rrugicat e lagjeve e më pas do të vazhdojmë në disa fshatra të komunës, varësisht prej mundësive buxhetore.

- 2.3. Projekti “Pastrimi i rrugëve mirëmbajtja e parqeve dhe hapësirave të gjelbëruara”, tash e tri vite kemi probleme me kontratë, dhe ende shërbehemi me një kontratë emergjente me të cilën mundohemi të bëjmë pastrimin e trotuareve, rrugëve dhe hapësirave të gjelbëruara
- 2.4. DSHPIB-ja e ka realizuar projektin “Sinjalizimi vertikal-horizontal, numërimi i objekteve” projekti i cili ka qene kontratë kornizë 3 vjeçar, e njëjta ka përfunduar dhe tani aktiviteti i prokurimit publik është në procedurë të vlerësimit.
- 2.5. Projekti “Sanimi i ndriçimit publik” në fshatrat e komunës së Gjilanit, ka për qëllim mirëmbajtjen dhe sanimin e defekteve në ndriçimin publik në të gjitha fshatrat e komunës tonë.
- 2.6. Drejtoria e SHPIB e gjithashtu me projektin “Sanimi i ndriçimit publik” në qytetin e Gjilanit, është duke u punuar sipas kërkesave të qytetarëve për sanimin e defekteve dhe shtrimin e rrjetit të ri.
- 2.7. Drejtoria e SHPIB me projektin “ Rregullimi dhe hapja e Rrugëve të rendit të tretë, pastrimi i deponive të egra dhe i lumenjve”- jemi duke intervenuar sipas kërkesave të banorëve nëpër lagje të qytetit dhe fshatra.
- 2.8. Projekti «Ofrimi Shërbimit të varrimit në komunën e Gjilanit”, sipas kontratës kornizë tri vjeçare jemi duke kryer shërbimet e varrimit të gjithë qytetarëve të komunës tonë .
- 2.9. Gjithashtu me projektin me titull "Projekte të Vogla" kemi rregulluar disa segmente të kanalizimit te shkolla fillore “Avdullah Tahiri” në Malishevë, pastaj intervenimi në Velekincën e vjetër ku kemi eliminuar daljen e ujerave të zeza në arat e asaj treve, ne lagjen e “Zabelit”, kanalizim në lagjen e “Shasivarëve” në Bresalc, lagjen e “Karadakut” në Zhegër, në rr.“Mulla Idriz”, pastaj në lagjen “Dheu i Bardhë”, pastaj është realizuar projekti i mbylljes së hyrje daljeve në rrugën e Bujanocit, në lagjen Arbëria, po ashtu është kryer kanalizimi në lagjen Dheu i Bardhë, në fshatin Bresalc te lagja e “Rexhëve” dhe “Muja” jemi duke vazhduar në fshatin Cërnice në rrugën kryesore, ndërsa do të vazhdohet sipas nevojave dhe kërkesave të paraqitura në terren.
- 2.10. Sheshi mbi lumin “Mirusha”, “Jugu 1” ka përfunduar, me 15 Qershor është bërë përirimi i tij dhe është vazhduar në pjesën jugore mbulimi i shtratit te Mirushes dhe pastaj do të bëhet projekti për platonë e asaj pjese të lumit “Mirusha”.

Në vazhdim po ju paraqes Projektet të cilat janë duke u punuar dhe përfunduar këtë vit, si dhe ato qe janë iniciuar për shpallje të tenderit

Zgjerimi i rrugës në drejtim të Ferizajt, me dinamikë të kënaqshme, rrugët lidhëse me rrugën e Prishtinës, kanë përfunduar, rruga për Përlepnice zgjerimi është duke u punuar me dinamikë të kënaqshme; rrugët në lagjen “Femi Agani” janë në procedurë, rrugët në Lagjen e 2 te “P.Ahmeti”, kanë përfunduar. Rregullimi i ujësjellësit në lagjen Porodin është krye., Rregullimi i urës në Gumnishtë ka përfunduar, zgjerimi i rrugës nga rr. e Ferizajt në drejtim të Cërnices në proces, Ndërtimi i rrugës Livoq i ulët Cërnice në proces, Ndërtimi rrugëve në Arbëri janë kryer faza e pare (B.Llovca dhe Arben Ramadani).Ndërtimi i rrugës se Kumanovës në proces; Ndërtimi i rrugëve në Arbëri “Hysen Tërpeza” në proces, Ndërtimi rrugëve në Llashticë janë kryer, Ndërtimi rrugëve në Velekincë janë kryer, Ndërtimi rrugëve në “M.Idrizi” janë kryer, Rruga te Kombinati i duhanit në proces, Rrethrotullimi në rr. e Prishtinës në proces.

### **3. Aktivitete tjera të takimeve dhe bashkëpunimeve :**

3.1 Me KRU “Hidromorava” kemi vazhduar bashkëpunimin për intervenime në rrjetet e ujësjellësit dhe kanalizimit. Si dhe presim që shumë shpejtë të fillojnë punimet për ndërrimin e gypit të ujësjellësit në rrugën Elez Agushi dhe rrugën Isa Kastrati, pastaj do të bëhet edhe asfaltimi i këtyre dy rrugëve mjaft të degraduara.

3.2 Përgatitjen e të dhënave mbi qiranë e pronës komunale për lokale afariste.

3.3 Kemi zhvilluar aktivitete për zbatimin e ligjit për ndërtesat e banimit në bashkëpronësi, për formimin e shoqatave të pronarëve lidhur me administrimin e ndërtesave kolektive.

3.4 Kemi përgatitur dhe kompletuar tërë dokumentacionin e ndërtesave të banimit të partneritetit publiko private, për ndërtesat të ish kadastrit dhe përball Drejtorisë së Urbanizmit dhe komisioni pritet të shpallë ankandin publik për dhënien me qira të banesave dhe lokaleve pronë e Komunës. Disa nga lokalet dhe banesat janë dhënë me qira sipas procedurave, ndërsa pjesa tjetër të cilët janë tërheqë nga qiraja, do të rishpallen vitin që vjen.

## **IV.DREJTORIA E ARSIMIT**

### **Aktivitetet e realizuara:**

1. Projekti i shkollës së Haxhajve në përfundim e sipër.
2. Sigurimi i shujtave ditore për nxënës.
3. Realizimi i praktikës profesionale për 20 nxënës të shkollave të mesme të komunës së Gjilanit dhe komunës së Bursës
4. Furnizimi me Inventarë me karrige e banka.
5. Bursa të rregullta, inicuar për miratim në Kuvendin Komunal.
6. Furnizimi me fotokopje dhe printerë për të gjitha IEA-të.
7. Regjistrimi i nxënësve në nivelin; Para fillor, Fillor, si dhe në Shkollat të Mesme të Larta
8. Realizimi i Testit të Maturës Shtetërore
9. Realizimi i Testit të arritshmërisë

**Furnizimi me kamera të sigurisë :**

- Institucionin Parashkollor: Dardania – nga organizata. UNDP
- SHFMU: “Rexhep Elmazi” , SHFMU “Sadulla Brestovci”- – Komuna e Gjilanit,
- SHFMU“Ibrahim Uruqi- Bresak”- OSBE, si dhe vendosja e kamerave nëpër shkollat e mbetura janë në procedura të tenderimit me buxhet të komunës.
- Kompjuter –laptopë, 20 copë, për IEA, donacion nga z. Asdren Toska
- Kompjuter –laptopë, 50 copë, donacion për IEA nga z.Liridon Byqmeti
- Save the Children, përmes projektit “ Zhvillimi i Fëmijërisë së Hershme “ në vlerë prej 8000 € mbështetje me material didaktike për dy IP Ardhmëria 1 dhe IP Integj
- GIZ – Gjerman, përmes projektit “Zhvillimin e kapaciteteve në arsim” pajisje me mjete të konkretizimit për sy SHFMU ‘Thimi Mitko” dhe “Zija Shemsiu”
- Këtë vit shkollor për herë të parë, në 35 IEA janë vendosur mekanizmat digjital të cilat përmes programit softuerik do të monitorohet dhe evidentohet vijueshmëria si dhe saktësia e secilit mësimdhënës sipas orarit të mësimit në baza ditore, përmes kartelave individuale.
- Procesi i finalizimit të procedurave të prokurimit për furnizimin me 10 copë Tabela të Mençura Inovacionit dhe pilot projektet si nxitës dhe mbështetësit e progresit në ngritjen e cilësisë në arsim:
- Duke marrë parasysh nevojat globale të kohës, për ndryshime në qasjen ndaj të nxëniet dhe mësimdhënies , dhe sipas planit të veprimit të DKA-së në SHFMU “ Selami Hallaqi” fillon realizimi i projektit, “ME MË SHUMË MËSIMDHËNËS PËR KLASAT E 3, 4 DHE 5”, pritët që vitin shkollor 2019/2020, të fillojë implementimi edhe në dy shkolla të tjera SHFMU”Abaz Ajeti” dhe SHFMU “Musa Zajmi”
- Këtë vit shkollor për herë të parë, në 35 IEA janë vendosur mekanizmat digjital të cilat përmes programit softuerik do të monitorohet dhe evidentohet vijueshmëria si dhe saktësia e secilit mësimdhënës sipas orarit të mësimit në baza ditore, përmes kartelave individuale.
- Në bashkëpunim me Federatën e Futbollit të Kosovës në kuadër të projektit UEFA-FFK-GRASSROOTS, ka paraparë Komuna e Gjilanit, të jetë pjesë e këtij programi për FNV, ku ky aktivitet organizohet dy here në muaj, si dhe te gjitha shpenzimet i mbulon Federata e Futbollit të Kosovës.
- Realizimi i 100 bursave një mujore nga kompania Ar- Katana, për studentet e komunës sonë.
- Organizimet e testeve të arritshmërisë dhe i maturës shtetërore.

### **Organizimi i garave :**

- Realizimi i panairit të studimeve me Universitetet dhe Kolegjet
- Organizimi i olimpiadës me nxënësit të cilët kanë lindur në 2008
- Gara Nacionale për kreativitet dhe mendim kritikë
- Organizimi i testit të shkallës për klasat ; II, VII, XI
- Organizimi i garave komunale të matematikës.
- Garat e koordinatorit Nacional në fushën e diturisë në nivel të Komunës

### **Projekte me Qeverinë:**

- Fillimi i implementimit të projektit për Institucioni Parashkollor në lagjen Arbëria.
- Shkolla e Arteve në përfundim e sipër por punimet janë ndërprerë për shkak mos marrëveshjeve mes MASHT dhe Operatorit.
- Qeveria e ka futë në planë ndërtimin e dy shkollave në Komunën e Gjilanit, SHFMU” Dëshmorët e Kombit” dhe SHML “Mehmet Isa”
- Projekti i Qeveris për ndërtimin e rrethojës në SHFMU” Abaz Ajeti”
- Procesi i finalizimit të procedurave për ndërtimin e shkollës te tregu i gjelbër.
- Përfundimi i punimeve në palestrën sportive të SHFMU”Rexhep Elmazi”
- Realizimi i 4 klasave parashkollor në SHFMU “Rexhep Elmazi”
- Furnizimi me pajisje të gjashtë palestrave sportive në SHFMU.
- Projekti Orientimi në karrierë për 33 shkolla nga Basic Check AG me seli në Bazel e financuar nga qeveria e Luksemburgut e cila ka filluar të implementimet
- Projekti mbështetja e performancës së arsimit dhe aftësisë profesionale, e mbështetur nga Qeveria e Luksemburgut, për SHML “ Mehmet Isa”, ku përfshin investime në korrikul, kornizë ligjore, sistem të informacionit dhe zhvillim i kualifikimeve të reja.
- Projekti “Shkollat e shekullit 21” me Qeverinë e Luksemburgut, implementimi fillon në muajin qershor.

## **V.DREJTORIA PËR GJEODEZI, KADASTËR DHE PRONË**

1. Janë pranuar : **2579** lëndë - kërkesa të ndryshme për regjistrime të pronave, hipoteka, masa të përkohshme, barra tatimore, oferta, vlerësime , kërkesa për matje, shënime për përmbaruesit privat, parcelime etj. Kërkesa të kryera 2545, ndërsa në procedure janë 34.

2. Përveç kërkesave të palëve janë kryer edhe këto punë sipas detyrës zyrtare :

- Janë lëshuar rreth: 7800 kopje certifikata të pronësisë.
- Janë lëshuar rreth: 1178 kopje certifikata të gjendjes ekonomike.
- Janë lëshuar: 1406 kopje të planit .

Gjithsej produkte të gatshme: 10384 kopje

3.Përpos aktiviteteve të paraqitura si më lartë, Drejtoria për Gjeodezi, Kadastër dhe Pronë ka kryer edhe punë tjera të përditshme dhe periodike sipas detyrës zyrtare dhe sipas kërkesave të subjekteve të ndryshme, komunale, të nivelit qendror etj. Gjithashtu sipas Planit të Punës dhe Programit të saj për vitin 2019, është në proces të realizimit të :

Vendimet Preliminare të shpronësimit për Planin Rregullues Urban “Livadhet e Arapit” dhe përgatitja e dokumentacionit për vlerësimin e pronave për infrastrukturën bazë (rrugë dhe trotuare) dërguar Zyrës për Vlerësimin e Pronave të Paluajtshme në MF Prishtinë.

Jemi në procesin e harmonizimit të pjesës tekstuale dhe grafike, të gjendjes kadastrale dhe të asaj të planifikuar sipas Elaboratit Shpronësues të PRRU “ Kampi Montith”. Sipas kërkesave të qytetarëve të adresuara tek Zyra e Kryetarit, e që kanë të bëjnë me procedurat e shpronësimeve

sipas projekteve Zhvillimore Komunale, i udhëheqim procedurat e shpronësimit, i adresojmë në Zyrën e Kryetarit për vlerësim dhe miratim.

Jemi në procedim të përditshëm të kërkesave të qytetarëve dhe institucioneve qeveritare dhe komunale lidhur me çështjet pronësore dhe kadastrale në realizimin e projekteve kapitale siç janë : Autoudha Prishtinë – Gjilan- Dheu i Bardh, të projektit të zgjerimit të hyrje-daljeve në qytet: Gjilan-Prishtinë dhe Gjilan –Ferizaj, Fabrikës së trajtimit të ujërave të zeza në fshatin Uglarë.

Përgatitja e lëndëve për shqyrtim në Kuvendin Komunal, si : shpallja e interesit të përgjithshëm në pronat për nevojat e Impiantit të ujërave të zeza ZK Uglarë; vendimi për lokacionin e zyrave të Gjendjes Civile; vendimi për krijimin e drejtës së ndërtimit në parcelat pronë komunale; Vendimi për këmbimin e pronës private me pronën komunale “Rruga e Kumanovës”; Zgjerimi i varrezave në fsh.Ponesh.

Regjistrimi i Vendimeve përfundimtare për shpronësim për nevoja të zgjerimit të rrugës me katër korsi : Gjilan-Prishtinë (ZK Gjilan dhe ZK Livoq i Epërm)

Regjistrimi i Vendimeve përfundimtare për shpronësim për nevoja te zgjerimit te rrugës me katër korsi : Gjilan-Kllokot (ZK Gjilan , ZK Livoq i Ulët, ZK Cërnice)

Parcelizimi i sipërfaqeve të shpronësuar sipas vendimeve të vitit 1975 për rrugën magjistrale Gjilan-Prishtinë , ZK Bresalc ( 14 ngastra kadastrale ).

Jemi në komunikim të rregullt me Zyrën Rajonale të AKP-së në Gjilan dhe Zyrën Qendrore të AKP-së në Prishtinë, lidhur me kërkesat e komunës për pronat me interes publik e të cilat administrohen nga AKP-ja.

Pagesat gjatë kësaj periudhe të vitit 2019 në emër të kompensimeve për pronat e shpronësuar për nevoja të projekteve komunale janë në shumën prej 268, 420.00 €.

Nr.	Projekti	Shuma e paguar (€)
1.	Parku “Livadhet e Arapit”	110.000 ,00
2.	Shkolla Fillore, Çerdhja e Fëmijëve “Dheu i Bardh -1”	114.420,00
3.	Mirusha Faza II	92.000,00
	TOTALI :	316.420,00

Për fund, vlen të theksohet se Drejtoria për Gjeodezi, Kadastër dhe Pronë gjatë kësaj periudhe ka pasur bashkëpunim të ngushtë me drejtoritë dhe zyrat tjera komunale, me institucionet dhe agjencitë qeveritare: MAPL-në, Ministrinë e Financave, Agjencionin Kadastral të Kosovës, Agjencionin Kosovar të Privatizimit, Agjencionin Kosovar të Pronave, Agjencinë Pyjore të

Kosovës, Arkivin Ndër komunal, Gjykatat e rangut të ndryshëm, etj. si dhe me Organizatat Ndërkombëtare të cilat veprojnë në Kosovë: OSCE, USAID, KFOR etj.

## VI. DREJTORIA PËR SHËNDETËSI DHE MIRËQENIE SOCIALE

Objektivat kryesore për përmbushjen e të cilave jemi angazhuar gjatë këtij gjashtë mujori janë :

1. Banimi Social – a) Pagesa e qirasë për familje me gjendje të rëndë ekonomiko-sociale, b) Renovimi i shtëpive të familjeve me gjendje të rëndë sociale .
2. Sos Fshati
3. Ndërtimi dhe renovimi i shtëpive për rastet sociale
4. Thirrja publike për subvencionimin e projekteve të OJQ-ve
5. Subvencionet në shëndetësi
6. DDD ( Dezinsektimi, Deratizimi, Dezinfektimi )
7. Ndërtimi i objektit të AMF-ës në Llashticë

**Banim Social:** përmes zyrës për mirëqenie sociale ka vazhduar implementimi i skemës sociale. Pagesa e qirasë për 51 familje me gjendje të rëndë sociale. Ky aktivitet është zhvilluar në baza mujore, në bazë të kontratave të lidhura në mes të komunës dhe 51 familjeve me gjendje të rëndë sociale të cilat janë përzgjedhur nga komisioni ad-hoc.

Meqenëse kontratat për pagesën e qirasë kanë skaduar në fund të vitit 2018, në këtë vit pas pranimit të kërkesave kemi lidhur kontrata të reja për pagesën e qirave për 51 familje.

Gjithashtu kemi monitoruar edhe kontratat e shfrytëzuesve të banesave të ndërtesave të banimit social.

**Sos Fshati :** ndërtimi i Sos Fshatit është projekt i cili realizohet në bazë të marrëveshjes së mirëkuptimit të Komunës së Gjilanit dhe qeverisë së Kuvajtit të cilin e përfaqëson Organizata Ekonomiko – Kulturore “Qëndresa Kosovare”.

Sipas marrëveshjes komuna i ka kryer të gjitha obligimet që nga ndarja e parcelës së tokës në sipërfaqe prej 3.5 ha me vendim të Kuvendit Komunal, e deri tek pajisja me leje ndërtimore. Ky projekt ka filluar së implementuari me 10 korrik dhe përfundimi i tij pritet të bëhet brenda 24 muajsh. Jemi në monitorim të vazhdueshëm të implementimit të projektit sipas planit dinamik të punës.

### **Ndërtimi dhe Renovimi i Shtëpive për rastet Sociale**

Në bazë të marrëveshjes së bashkëpunimit të nënshkruar përmes kryetarit të Komunës dhe përfaqësuesit e shoqatës bamirëse “Jetimët e Ballkanit” kemi filluar ndërtimin e 20 shtëpive për rastet sociale, ku Komuna participon me mjete me lartësi 100 mijë euro.

Gjithashtu gjatë këtij 6mujori kemi bërë renovimin e 6 shtëpive të familjeve me gjendje të rëndë sociale, me prioritet familjet të cilat kanë fëmijë me nevoja të veçanta.

## **Thirrja Publike për Subvencionimin e OJQ-ve**

Edhe këtë vit kemi vazhduar implementimin e rregullores 04/2017 për financimin e projekteve të OJQ-ve përmes thirrjes publike.

Në thirrjen publike të shpallur nga DSHMS-ja për subvencionimin e projekteve që kanë të bëjnë me trajtimin e personave me nevoja të veçanta kanë aplikuar 8 OJQ, ndërsa përfitues sipas komisionit vlerësues janë 6 OJQ, projektet e të cilave janë financuar në vlerë prej 30 mijë euro.

Me qëllim të përcjelljes së implementimit të këtyre projekteve me vendim të posaçëm kemi caktuar një zyrtar, i cili në fund të këtij viti do të hartoj raportin e implementimit të projekteve të OJQ-ve dhe arsyetimit të shpenzuara nga OJQ-të përfituese.

## **Subvencionet në Shëndetësi**

Është skemë e cila realizohet në baza mujore, përmes zyrës për shërbime shëndetësore me qëllim të subvencionimit të barnave për qytetarët që ballafaqohen me sëmundje të rënda. Përzgjedhja e përfituesve bëhet përmes komisionit profesional 5 anëtarësh, prej tyre 3 mjek.

## **DDD ( Deratizimi, Dezinsektimi, Dezinsektimi )**

Është projekt i cili zhvillohet në baza vjetore gjatë sezonit veror, ku edhe këtë vit në bashkëpunim me operatorin ekonomik "Fauna", kemi përfunduar fazën e parë të Dezinsektimit të hapësirave në qytet dhe lagjeve përreth si dhe fshatrave të komunës sonë.

## **Ndërtimi i objektit të AMF-së në Llashticë**

Është projekt që financohet me mjete vetanake të komunës dhe gjatë këtij viti pritet ky projekt të përfundoj.

## **VII. DREJTORIA PËR URBANIZËM, PLANIFIKIM DHE MBROJTJE TË MJEDISIT**

Gjatë periudhës Janar- Qershor 2019, DUPMM ka kryer detyrat dhe përgjegjësitë duke u bazuar në përshkrimin e punëve dhe detyrave punuese të secilit sektorë duke respektuar dispozitat ligjore në fuqi si dhe rregulloret komunale.

Duhet potencuar se gatishmëria dhe kërkesa e qytetareve ka pësuar një ngritje të lehtë për t'u pajisur me kushte ndërtimi dhe leje ndërtimi. Interesimi në aspektin e ndërtimit dhe planifikimit nga ana e qytetarëve të Gjilanit prapë nuk ka munguar duke iu nënshtruar procedurave për t'u pajisur me marrjen dokumentacion të ndërtimit. Ky aktivitetet reflekton në të hyrat e drejtorisë por edhe në ruajtjen e hapësirave të planifikuara.

Shqyrtimi dhe përfundimi i lëndëve të cilat drejtohen e parashtrihen në këtë institucion publik bëhet konform ligjit dhe me efikasitet të plotë në afatin ligjor të përcaktuar.

Përkushtimi i punës në DUPMM nga ana e zyrtarëve përgjegjës në kuadër të sektorëve sipas përshkrimit të detyrave të tyre është në nivelin e kërkuar.

DUPMM-ja është në fazën e përfundimit të Planit Zhvillimor Komunal (PZhK) dhe Hartës Zonale të Komunës (HZK). Tani pas përfundimit edhe të punëtorisë së organizuar me të gjithë sektorët e brendshëm, kompanitë publike, shoqërinë civile, ndërtuesit dhe ekspertët e jashtëm kemi arrit të bëjmë draftin final dhe tani procedurat e mëtutjeshme me MMPH dhe aprovimin në kuvend. Gjatë kësaj kohe janë organizuar debate në të gjitha zonat e qytetit së bashku me fshatrat. Janë mbajtur mbi 23 debate dhe shumë takime me njerëz profesionistë të fushave të ndryshme. Vlen të cekët që pjesëmarrja masive në debate ka reflektuar dukshëm në përpilimin e kësaj strategjie duke na ofruar ide dhe eksperiencë nga më të ndryshmet. Për herë të parë PZhK është hartuar në bashkëpunim edhe me komunitetet si pjesë integruese e qytetit.

Në vazhdimësi të punës së kësaj strategjie jemi përkujdesur për punët paralele të hartimit të zonave të komunës. Siç e dini HZK është pjesa detajuese ku në të cilën do të jenë në mënyrë specifike kushtet për zhvillimin e mëtutjeshëm si për ndërtim, infrastrukturë, ekonomi, kulturë, trashëgimi dhe në të gjitha sferat përkatëse të komunës dhe rrethinës së KK Gjilan. Vlen të theksohet që kushtet ndërtimore do të jepen edhe në zonat rurale dhe në këtë mënyrë do të përkujdesemi për ndërtimet ekzistuese dhe ndërtimin e mëtutjeshëm.

Sipas analizave, parametrave ekzistues, trendi të ndërtimit dhe hapësirës së territorit të komunës sonë kapacitetet janë deri në arrijen e 240 mijë banorëve.

Stafi përgjegjës për Legalizimin e objekteve pa leje është në gatishmëri pas aprovimit të Ligjit të Legalizimit të objekteve nga niveli qendror dhe udhëzimit administrativ për implementim të këtij ligji.

### **Sektori i Planifikimit**

Në bashkëpunim me zyrën e prokurimit kemi arritur të shpallim konkurset për projektet e tri parqeve që në total kapin sipërfaqe prej 14 hektarë.

Hartimi i projektit për parkun e qytetit “Parku i Paqes, Parku Baja dhe Parku i Pajtimit” në Gllamë të Bresalcit– përfundohen në Korrik. Menjëherë fillon implementimi i tyre.

Hartimi i projektit kryesor për objektin e Administratës së përgjithshme të drejtorive Komunale dhe kuvendit do të përfundojë në Korrik. Projekti ideor i përfunduar.

Implementimi i Projektit të gjelbërimit të “Kodra e Dëshmorëve “- i përfunduar. Tani ka mbetur faza finale si parkingjet dhe ndriçimi. Projekti në bashkëpunim me drejtorinë e bujqësisë.

Përpilimi i detyrës projektues për “Hartimi i projekteve ideore dhe kryesore për nevoja të Komunës së Gjilanit“– i përfunduar

Projekti i “Palestrës së Sporteve” në Zhegër- faza në implementim e sipër- përcjella e punimeve.



Shenjëzimi të “Varrezat e qytetit sipas përkatësisë së besimit”- vendosja e gurëve sipas modelit të propozuar.

Projekti i “Shenjëzimit të rrugëve” në KK Gjilan- Pjesa dërmuese e kryer dhe pritet të filloj punën një komision i ri për shqyrtimin e ankesave. Projekti i përbashkët me Agjencionin Kadastral të Kosovës dhe Autoritetin Norvegjez të Hartave.

Projekti i instalimit të “Citylights dhe Billboardeve” në rrugët e qytetit- Dizajni i përfunduar dhe pritet të shpallet në ankand publik.

Përcjellja e punimeve dhe mbledhja e raporteve gjatë implementimit të masave të “Eficiencës së Energjisë” dhe përcjellja e strategjisë për Energji të Qëndrueshme në bashkëpunim me DZHE. Në bashkëpunim me këtë drejtori është duke u bërë auditimi i pesë objekteve arsimore.

Hartimi i planit të studimit të fizibilitetit për “Instalimin e gazit natyror” në qytet. Kompania konsulente e përzgjedhur dhe studimi do të jetë në duar tona brenda dy- tre muajve. Projekti i parë në territorin e Kosovës. Në bashkëpunim me DZHE.

Zona e lirë ekonomike- lokacioni i përcaktuar- në hapësirën mes të Stanishorit dhe Kufcës dhe ka sipërfaqe prej 52 ha. Zona ka karakter ndër komunal dhe ndërshtetëror prej 13 komunave apo tri shteteve. Procedim në dy kuvendet përkatëse.

Projekti i varrezave të qytetit i përfunduar- Pritet fillimi i hapjes së rrugëve brenda kompleksit. Në projekt janë paraparë edhe objektet për rite të ndryshme me të gjitha pjesët përcjellëse. Zgjidhja e problemit të varrezave është bërë për së paku 50 vjet.

Tregu i kafshëve- lokacioni i përcaktuar në Velekincë në pjesën kah Livoqi i Poshtëm. Projekti ideor i përfunduar dhe tani përfundimi i projektit kryesor. Granti i siguruar në bashkëpunim me DZHE dhe DBP.

Salla e kulturës në Përlepnicë-projekti i përfunduar dhe rinovuar në tërësi. Janë bërë renovime të një gjërmadhë e lënë pas dore është rinovuar në masën më të mirë duke përfshirë edhe ulëset në sallën e auditoriumit. Inauguruar më 14 Qershor 2019. Lëvizja e pllakës përkujtimore në murin e objektit- të zanafillës së rezistencës së madhe.

Gjetja e lokacionit për objektin e agjencisë së ushqimit dhe veterinarisë-AUV, ndërsa ky objekt implementimet nga Komisioni Evropian. Ky objekt do të ketë karakter rajonal dhe do të shërbejë për tërë zonën. Lokacioni i ri është përcaktuar në pronën që është në shfrytëzim nga konvikti turk. Nga kjo parcelë do të ndahen 15 ari për këtë qëllim.

Hapja e konkursit për shtatoren e “Mulla Idriz Gjilanit”, shumë shpejtë pritet të bëhet përzgjedhja e modelit e pastaj punimi i saj dhe montimi për festat e 28 Nëntorit. Po ashtu është ndarë edhe lokacioni për shtatoren e heroit të kombit “Abdullah Tahirit”. Më herët janë ndarë lokacionet edhe për bustet e: “ Ibrahim Rugovës, Sylë Zarbincës e Tefik & Hanumshahe Zymberi”.

Hartimi i planit të studimit për strategjinë e “Mbrojtjes së ajrit nga ndotja” në territorin e qytetit dhe regjionit. Përgatitja e termave të referencës.

Hartimi i projektit të “Rrethrotullimit dhe Nënkalimit” të objektet e Spitalit Regjional dhe Qendrës Kryesore të Mjekësisë Familjare në Gjiilan. Rirregullimi i projektit të rrugës në bashkëpunim me DSHP dhe MI- drejtorinë e rrugëve.

Planifikimi/ krijimi i qendrës për “Shërbim në një vend” për pajisje me dokumentacion ndërtimi. Projekti i përbashkët me drejtorinë e Administratës dhe kompanive publike në Gjiilan. Pasi të bëhet elektronizimi i dokumentacionit/ hartave dhe PRRU- ve krijohet mundësia për funksionalizimin e kësaj qendre.

Vlerësimi i punimeve të kryera në disa objekte, prerja e punimeve apo procese përfundimtare.

Plani Zhvillimor Komunal dhe Harta Zonale e Komunës

Takime konsultative me drejtorët e drejtorive lidhur me hapat, rolin, detyrat dhe përgjegjësitë gjatë procesit të hartimit të PZHK-së

Takime konsultative me Ekipin Bazë (EB) dhe Ekipin Komunal të Planifikimit (EP) lidhur me hapat, rolin, detyrat dhe përgjegjësitë gjatë hartimit të procesit të PZHK-së

Takime konsultative të ekipit bazë (EB) dhe kompanisë INSI- Prishtinë me drejtoritë Komunale dhe kompanitë publike të Komunës së Gjiilanit

Shpërndarja e dokumentacionit të raportit sektorial të bazuar në Udhëzimin Administrativ për Hartimin e Planit Zhvillimor Komunal të Komunës nëpër drejtoritë Komunale dhe kompanive publike të Komunës së Gjiilanit

Përmbledhja e raporteve sektoriale nga drejtoritë Komunale dhe kompanive publike si dhe shqyrtimi e analizimi i tyre nga Ekipi Bazë (EB)

Mbajtja e takimit me ekipin bazë (EB) dhe ekipin Komunal të Planifikimit (EKP) lidhur me të arriturat, sfidat e paraqitura dhe paqartësitë lidhur me dokumentin e pranuar "Raporti dhe strategjia sektoriale" për drejtoritë dhe kompanitë e huaja.

Takim i përbashkët me ekipin bazë (EB), përfaqësuesin e kompanisë konsulente INSI dhe GIZ lidhur me harmonizimin e aktiviteteve punuese bazuar në planet e veprimeve të dy dokumenteve gjatë procesit për hartimin e tyre Planin Zhvillimor Komunal (PZHK) dhe Hartën Zonale të Komunës (HZK).

Mbikëqyrjet, menaxhimet, komisionet dhe pranimet teknike

Mbikëqyrje e punëve sipas projekteve kapitale në kuadër të Komunës

Menaxhimi i punëve sipas projekteve kapitale në kuadër të Komunës

Mbikëqyrje e procesit të Planeve Rregulluese të Hollësishme

Komisionit ad hoc për zhvillimin e procedurave të emërimit me afat të caktuar– marrëveshje për shërbime të veçanta

Pranim teknik të projekteve të implementuara nga KK Gjilan.

Aktivitete tjera

Shqyrtimi i pikave grumbulluese të mbeturinave në KK Gjilan

Azhurnimi dhe mirëmbajtja e platformës GIS

## **Sektori i lejeve të Ndërtimit**

Llojet e kërkesave:

Kërkesa për ekstrakt nga plani, kërkesa për parcelim të truallit, kërkesa për objekt të karakterit të përkohshëm të tipit montues, kërkesa për kushte ndërtimi, kërkesa për rekonstruim, aneks ndërtim, shtim, mbindërtim, e forma të tjera të ndërhyrjeve në ndërtesën ekzistuese, kërkesa për leje paraprake, kërkesa për leje ndërtimi, kërkesa për kontrollim teknik- leje të përdorimit, kërkesa për ndërtim të objekteve të përkohshme– ndihmëse, në vend ndërtim. (Objektet e përkohshme ndihmëse, në vend ndërtim kërkojnë leje të veçantë nëse e cenojnë shëndetin e njerëzve, trafikun– qarkullimin dhe mjedisin si në rastet e mëposhtme): kërkesa për leje rrënimi- demolime të objekteve, kërkesa për vlerësim dhe konstatim të gjendjes së objektit kërkesa për ndërtim të objekteve të infrastrukturës komunale (rrugë, ura, hapësira gjelbëruese, hapësira për sport dhe rekreacion, rrjet të energjisë, ujësjellësit, kanalizimit, ndriçimit publik, PTK dhe përçuesve tjerë;

Pranimi i kërkesave: kushtet e ndërtimit 100, leje ndërtimi 82, pëlqimet urbanistike 186, lajmërimi 30, pranime teknike 3, leje rrënimi 19, leje mjedisore 9, ftesa 5, raport 3, të tjera 34; gjithsejtë 472

Të dhënat financiare për DUPMM (në këtë periudhë janë inkasuar), nga lejet ndërtimore 421,448.00 euro, të hyrat nga taksat- kërkesat 2,003.00, të hyrat nga lejet mjedisore 28,875.00 euro. Gjithsejtë 452,326.00.

## **VIII. DREJTORIA E INSPEKSIONIT**

### **1. Sektori i Ndërtimit dhe Ambientit**

- Inspektim i rasteve në proces të ndërtimit,
- Hartim i procesverbaleve – ndërprerje të punimeve ndërtimore,
- Hartim i procesverbaleve – shiritim të objekteve,
- Dorëzim i vendimeve për ndërprerje të punëve,
- Pranim – shqyrtim të kërkesave dhe ankesave të qytetarëve,
- Vendime për rrenim si dhe pranimin-evidencimin dhe kontrollimin e lejeve ndërtimore të pranuar nga sektori i lejeve.

Raporti detal për periudhën janar-qershor 2019

<b>Nr.</b>	<b>Përshkrimi i punës</b>	<b>Numri</b>
1.	Procesverbale	84
2.	Procesverbale të ndërprerje të punëve	32
3.	Aktvendime për ndërprerje të punëve	31
4.	Procesverbale, ndërprerje të punëve-tejkalim i L.N	2
5.	Inspektim i objekteve me leje ndërtimi	35
6.	Përgjigje ndaj kërkesa për inspektor të punimeve ndërtimore	179
7.	Gjoha Mandatore	23
8.	Vendime për Rrënim	3
9.	Konkluzione për Rrënim	1
10.	Propozim për konkluzion	/
11.	Numri i lejeve ndërtimore te pranuar nga DUPMM	45

## 2. Sektori i Tregut

- Verifikimin e subjekteve afariste se a janë të pajisur me pranim teknik të lokalit (vendim) - zbatimin e urdhëresave nga MTI për verifikimin e vendosjes së flamujve të originës së produkteve në bazë të ligjit dhe udhëzimit në fuqi për shitjen higjienike për fëmijë (pampers) të cilët kanë kopjuar markën tregtare Nina,
- Verifikimin e bastoreve ku më pas është bërë mbyllja e tyre
- Evidentimin e të gjithë parkingjeve se a janë të pajisur me QRB.
- Së bashku me ATK-në dhe Doganën kemi bërë evidentimin dhe asgjësimin e mallit në kompaninë Flexograf dhe
- Me Policinë e Kosovës kemi bërë mbylljen e një bastore sportive e cila punonte ilegalisht

### Raport për periudhën janar-qershor 2019

<b>Nr.</b>	<b>Aktiviteti</b>	<b>Numri</b>	<b>Shuma €</b>
1.	Kontrollime – inspektime pa procesverbale	425	
2.	Procesverbale të hartuara	429	
3.	Aktvendime	79	
4.	Pranime Teknike (Mjete të hyra)	79	8,291.00 €
5.	Numri i kërkesave të shqyrtuara	8	
6.	Njoftime fletushka komerciale– Reklama	20	
7.	Gjoha mandatore	1	50.00 €
8.	Kundërvajtje të dorëzuara në Gjykatën themelore	1	
9.	Numri i ditëve kujdestari	7	

<b>Gjithsej:</b>	<b>8,341.00 €</b>
------------------	-------------------

### 3. Sektori i Shërbimeve Publike dhe Komunikacionit

- Inspektimin e hapësirave publike dhe të auto larjeve,
- inspektimin e hedhjeve të mbeturinave jashtë kontejnerëve,
- inspektimin e bartjes publike të udhëtarëve me autobus, me taksi, me inspektimin e transportit të mallrave,
- me inspektimin e sinjalizimit, me inspektimin e parkimeve të veturave taksi, etj.

Bashkëpunimi me Policinë e Kosovës dhe me kompanitë “Hidromorava”, “Ecohigjiena”, etj. Kanë qenë pjesë e komisionit për projekte të vogla, të komisionit për performancë komunale, e komisionit për regjistrimin e inventarit të drejtorisë së Inspeksionit, e komisionit për PZHU, e komisionit për vendosjen e tabelave për emërimin e rrugëve (Agjensioni Kadastral i Kosovës),

Raporti detal për periudhën janar-qershor 2019

Nr.	Aktiviteti, masat e ndërmarra dhe numri i tyre	
1.	Numri i inspektimeve	228
2.	Numri i procesverbaleve	146
3.	Numri i kundërvajtjeve	17
4.	Numri i gjobave mandatore të shqiptuara	7 (500 Euro)
5.	Numri i automjeteve të përjashtuara nga komunikacioni	5
6.	Numri i aksioneve me Policinë e Kosovës	20
7.	Numri i kërkesave të pranuar	30
8.	Numri i kërkesave të shqyrtuara	23
9.	Numri i kërkesave të cilat janë në shqyrtim	7
10.	Numri i ditëve në kujdestari	16

### 4. Sektori për Veterinari, Bujqësi dhe Sanitari

- Inspektimin e subjekteve afariste – agro prodhuesit ( industria e qumështit, mishit dhe pemëve – perimeve
- Inspektimi i subjekteve afariste – gastronomisë (hotelet, restorantet, fast food, gjellëtoret, etj.)
- Inspektimi i tokave bujqësore, etj.

Nr	Natyra e punës	Numri	Shuma €
1.	Kontrollime-Inspektime	183	

2.	Procesverbale	125	
3.	Therje të kafshëve	719	3,595.00 €
4.	Transport të kafshëve	105	105.00 €
5.	Përgjigje të kërkesave të qytetarëve	33	
6.	Asistencë-pjesëmarrje me Insp.e Tregut dhe Shërbimeve Publike dhe AUV	81	
7.	Pëlqime sanitare	29	290.00 €
<b>Totali i taksave të grumbulluara</b>			<b>3,990.00 €</b>

### 5. Zyra për mbrojtën e konsumatorit

Në këtë periudhë gjashtë mujore zyrtari për mbrojtjen e konsumatorit është marrë me ankesat dhe kërkesat e konsumatorëve

Nr.	Aktiviteti, masat e ndërmarra dhe numri i tyre	
1.	Numri i inspektimeve	17
2.	Numri i procesverbaleve	13
3.	Numri i kërkesave të pranuar	11
4.	Numri i kërkesave të shqyrtuara	11
5.	Numri i kërkesave të cilat janë në shqyrtim	0

### Raporti i aktiviteteve kryesore

Nr.	Aktiviteti	Numri	Shuma €
	Numri i procesverbaleve	784	
	Numri i kundërvajtjeve	18	
	Numri i gjobave mandatore të shqiptuara	31	
	Numri i automjeteve të përjashtuara nga komunikacioni	5	
	Numri i aksioneve me Policinë e Kosovës	20	
	Numri i kërkesave të pranuar	484	
	Numri i kërkesave të shqyrtuara	347	
	Numri i kërkesave të në shqyrtim	47	
	Numri i kërkesave të refuzuara	2	
	Numri i kujdestarive të mbajtura	27	
	Numri i aktvendimeve të lëshuara nga drejtoria e Inspeksionit	110	
	Numri i vendimeve të nxjerra nga drejtoria e Inspeksionit	35	

Numri i konkluzave të nxjerra nga drejtoria e Inspeksionit-rrënimi i objekteve publike	10	
Numri i autorizimeve të nxjerra nga drejtoria e Inspeksionit	4	
Numri i kërkesave të drejtorisë së Inspeksionit	18	
Numri i lejeve ndërtimore	45	
Të hyrat në drejtorinë e Inspeksionit nga pranimet teknike, therjet dhe gjobat mandatore		<b>14,081.00€</b>

## IX .DREJTORIA PËR BUXHET DHE FINANCA

- Pasqyrat vjetore 2018 për MF,
- Raportin final financiar 2018 për Kuvend ,
- Raportin financiar tremujorit të parë për Kuvend
- Kornizën afatmesme buxhetore 2020-2022
- Rrjedhën e parasë (plani i keshit) për të gjitha njësitë buxhetore dhe gjitha kategoritë ekonomike
- Shpërndarja e mjeteve të bartura nga viti 2018
- Formimi i dokumentacionit për kode të projekteve dhe alokimin e tyre nga MF
- Analiza e alokimeve buxhetore si p.sh. raporti i alokimeve për Paga&Mëditje, Mallra& Shërbime, Komunali, Investime Kapitale dhe Subvencione.
- Kemi punua në alokimet mujore për Paga&Mëditje, Mallra&Shërbime dhe Komunali për çerdhet, arsimin fillor dhe të mesëm (analitikë për çdo çerdhe, konvikt dhe shkollë).
- Analiza e Paga&Mëditje për të gjitha programet buxhetore.
- Formimin e dokumentacionit nga participimet dhe donacionet për rritje të buxhetit dhe alokimin e mjeteve.
- Bashkëpunimi i ngushtë me auditorët e brendshëm dhe të jashtëm
- Pranimi i të gjitha raporteve të të hyrave nga BQK
- Përpunimi i të gjitha të hyrave sipas kodeve dhe drejtorive.
- Regjistrimi i të gjitha të hyrave në akses.
- Regjistrimi i të gjitha të hyrave dhe shpenzimeve në SIMFK.
- Përgatisim për të gjitha drejtoritë informata mujore si për të hyra ashtu edhe për shpenzime
- Bëjmë barazime ditore me BQK dhe bankat komerciale.
- Barazime mujore me MF-Thesar
- Barazime tre mujore me MF, zyrën e alokimeve.
- Përgatisim në baza ditore raporte për të hyrat për secilën drejtori.
- Përgatisim UNIREF-at për të gjitha faturat e drejtorive
- Mbajmë evidencë analitike për çdo lloj të hyre .
- Mbajmë evidencë analitike për të gjitha shpenzimet me përjashtim të drejtorisë së Arsimit dhe Shëndetësisë të cilët i mbajnë vet .

- Shtypim listat e pagave të dërguara nga menaxheri i zyrës Personelit i dërgojmë për verifikim nga drejtoret përgjegjës dhe nënshkruhen nga shërbyesit civil me përjashtim të drejtorisë së Arsimit dhe Shëndetësisë të cilët i kryejnë vet.

**Gjatë kësaj periudhe kemi:**

- Lëndë të zotuar
- Lëndë të shpenzuara

**Lëndë të certifikuara dhe arkivuara afër 2617**

- Kemi bërë shpërndarjen e faturave të Tatimit në Pronë (27.541 fatura)
- Gjatë punës vjetore bëjmë shtypjen e faturave të Tatimit në Pronë me kërkesë të tatimpaguesve dhe lëshojmë vërtetime të ndryshme .
- Janë regjistruar 178 objekte të reja.
- Janë verifikuar 2.213 objekte
- Deri në këtë periudhë kemi pranuar dhe shqyrtuar 117 ankesa, ku prej tyre 64 janë aprovuar kurse 53 prej tyre janë refuzuar.
- Përcjellim regjistrimin dhe transferet e inventarit

Për periudhën gjashtë(6) mujore kemi këtë gjendje të të hyrave :

**Të hyrat nga TP.si e hyrë e vetme e DBF:**

	Planifikimi 2019	Realizimi i të hyrave Janar- Qershor 2018	Realizimi i të hyrave Janar - Qershor 2019	Krahasimi mes realizimit 2018 dhe 2019	% në mes planifikimit dhe realizimit 2019
Të hyrat nga tatimi në Pronë	1,440000.00	625.278,37€	773.051,45€	123,04	53,09

**X. DREJTORIA PËR ZHVILLIM EKONOMIK**

DZHE vlerëson gjashtëmujorin e parë të këtij viti si mjaft pozitiv sa i përket të arriturave si rezultat i konsistencës në punë me qëllim realizimin e objektivave të drejtorisë të cilat kanë ndikim në zhvillimin ekonomik, lokal dhe mirëqenien e qytetarëve të komunës së Gjilanit.

Sa i përket investimeve kapitale, gjatë muajit Mars është nënshkruar kontrata me operatorin ekonomik për realizimin e projektit “Modernizimi i tregut të gjelbër në komunën e Gjilanit” ndërsa jemi në fazën e përgatitjes së projektit kryesor për ndërtimin e tregut të kafshëve. Ky i fundit është përzgjedhur për financim nga MZHR si rezultat i aplikimit me sukses në Programin për Investime Kapitale në këtë ministri. Vlera e projektit është rreth 260,000 euro, ndërsa MZHR do të financoj projektin në vlerë prej 80,000 euro.



Të dyja tregjet do të krijojnë kushte për zhvillim të bujqësisë dhe hapin mundësi të reja punësimi, kryesisht për bujq të cilët sigurojnë të ardhura përmes bujqësisë dhe blegtorisë duke nxit kështu edhe ndërmarrësin në këta sektor të ekonomisë. Përmes investimeve në këto projekte po përmirësohen kushtet për shitjen e produkteve të freskëta pemë dhe perime për 100 prodhues tanë si dhe mbi 200 tregtar të cilët ushtrojnë aktivitetin e tyre në tregun e gjelbër. Gjithashtu, vlen të përmendet se përveç që po krijohen kushte edhe po plotësohen standarde për tregtimin e kafshëve ku përfitues do të jenë mbi 400 ferma të komunës së Gjilanit. Në anën tjetër janë planifikuar tregjet mobile në disa pjesë të qytetit dhe zbatimi i planit është në proces me ç' rast do t'i ofrohen mundësi bujqve, prodhuesve të vegjël të komunës së Gjilanit të shesin produktet e tyre në vendbanime me numër të madh të banorëve dhe më të frekuentuara.

Një e arritur tjetër e kësaj drejtorie është përmbyllja me sukses e procesit të negocimit të Marrëveshjes për financim për realizimin e projektit 26 milion Euro "Impianti për trajtimin e ujërave të zeza dhe infrastrukturës përcjellëse në komunën e Gjilanit" e nënshkruar ndërmjet Qeverisë së Kosovës dhe BERZH me 9 maj 2019 në Sarajevë. Si rrjedhojë, po ashtu me 28 maj 2019 është nënshkruar Marrëveshja tjetër 3 palëshe ndërmjet BERZH, Komunës dhe Kompanisë Hidromorava për zbatim të këtij projekti madhor infrastrukturor. Vlen të theksohet se drejtori i BERZH në Kosovë z. Neil Teylor ka deklaruar se "Komuna e Gjilanit është kampion sepse kjo është kontrata e parë që nënshkruhet me nivelin lokal pas kryeqytetit". Kjo deklaratë është një indikator se ky investim pa dyshim e ka kthyer Komunën e Gjilanit në një partner të besueshëm për institucionet financiare si BERZH dhe BEI etj.

Një projekt tjetër i cili është duke shkuar kah përmbyllja është vazhdimi i punimeve në lumin Mirusha dhe gjatë kësaj periudhe është nënshkruar Marrëveshja për financim nga MMPH dhe kryetari i komunës në vlerë prej 250,000 euro për këtë vit.

Një sektor tjetër i rëndësishëm i kësaj drejtorie është edhe Efienca e Energjisë (EE) dhe gjatë muajit Janar 2019, kemi përgatitur dhe dorëzuar aplikacionin përmes të cilës presim të bëhemi pjesë e një pilot projekti që parasheh një paketë të ndërhyrjes në ndërtesa shumë banesore (AER). Qëllimi i projektit është inkurajimi i rritjes së eficiencës së energjisë (EE) të ekonomive familjare dhe të lehtësohet kalimi në burimet jo-elektrike të ngrohjes përmes një aktiviteti pilot. Pjesë e kësaj iniciative, është një paketë specifike e ndërhyrjes për "Rinovimin e Eficiencës së Ndërtesave Shumë banesore (AER). Ky program synon të përmirësojë eficiencën e energjisë në ndërtesat shumë banesore përmes dhënies së granteve për komunitetet banesore në komuna të përzgjedhura, përmes bashkëfinancimit nga komunat dhe/ose banorët. Llojet e ndërhyrjes së eficiencës së energjisë përfshijnë përmirësimet e hapësirave të përbashkëta, ngrohjen qendrore dhe izolimin termik. Numri i komunave që do të përfitojnë nga ky projekt është i kufizuar dhe përzgjedhja e komunave pritet të bëhet nga ekipi i ekspertëve nga Uashingtoni dhe Kosova. Komuna e Gjilanit pret që të kuptoj rezultatit e aplikimit gjatë këtij viti.

Me kërkesën e MZHE ka vazhduar procesi i vlerësimit të kompanisë konsulente në kuadër të programit me KfW (Bankën gjermane) për projektin “Masat e efijencës së energjisë në ndërtesat publike”. Gjatë kësaj periudhe është përmbyll faza e parë e vlerësimit ndërsa sipas MZHE-AKK faza e dytë e vlerësimit pritet të përfundoj deri në fund të këtij viti ndërsa zbatimi i projekteve në terren pritet të filloj në fillim të vitit 2020. Komuna e Gjilanit synon që përmes këtij programi të intervenoj me masa të EE në tri shkolla si “ Ibrahim Uruqi” Bresalc, “Skënderbeu” Përlepnice dhe “Dëshmorët e Kombit”, Gjilan.

Vlen të theksohet se DZHE është duke bashkëpunuar ngushtë me projektin “Support on implementing the 3RD Energy package with focus on EE/ER”, projekt ky i financuar nga Bashkimi Evropian, që zbatohet nga konsorciumi i udhëhequr nga GFA Consulting Group, Hamburg, Gjermani. Objektiva e përgjithshme e këtij projekti (Mbështetje në Implementimin e Pakos së Tretë të Energjisë me focus në Efijence të Energjisë dhe Burimeve të Ripërtërishme) është mbështetja e zhvillimit të qëndrueshëm të sektorit të energjisë në përputhje me detyrimet e Traktatit të Komunitetit të Energjisë dhe Strategjisë Kombëtare të Energjisë. Si pjesë e këtij projekti është përkrahja e komunës në hartimin e PKVEE, përgatitjen e një projekti për aplikim në fondet e BE të dedikuara për komunat e Kosovës në fushën e EE, përmes këtij projekti edhe do të instalohet softveri ENSMASOFT-it i cili zbatohet në bashkëpunim me GIZ dhe i cili do të shërbej për të menaxhuar efijencën e energjisë në objektet komunale në të ardhmen. Po ashtu dy zyrtarë komunal do të ndjekin trajnim tre-ditore për përdorimin e këtij programi. Me përkrahjen e këtij projekti është finalizuar dokumenti “Plani Komunal i Veprimit të EE 2019-2021” dhe në këtë dokument janë planifikuar masa të efijencës së energjisë në 7 objekte publike derisa planifikojmë të aplikojmë me projekte (katër shkolla) për financim fondin e lartë përmendur të EE gjatë këtij viti.

Në kuadër të programit PPP gjatë kësaj periudhe jemi në proces të realizimit të tri (3) studimeve të fizibilitetit për projekte në fushën e turizmit, energjisë, infrastrukturës biznesore, sportive etj. Realizimi i këtyre studimeve do të krijoj mundësi për investime përmes PPP, për zbatim të projekteve zhvillimore duke e bërë kështu komunën atraktive për investitor vendor dhe të huaj. DZHE ka përgatit konceptin për zhvillimin e një produkti të ri turistik apo projekt potencial “Penda e Livoqit” duke ia adresuar kërkesën për bashkëpunim Swiss Contact me qëllim të mbështesin komunën me ekspertizë ndërkombëtare rreth zhvillimit të mëtejshëm dhe testimit të potencialit të kësaj ideje. Si rrjedhojë, është organizuar takim dhe vizitë me përfaqësues të Swiss Contact dhe një eksperti të turizmit nga kompania franceze “Geode” i cili ka konfirmuar se liqeni i Livoqit ka potencial për zhvillim të turizmit. Së shpejti do të nënshkruhet Marrëveshja për Bashkëpunim për realizimin e studimit të fizibilitetit për projektin në fjalë.

Sa i përket projektit PPP “ Rregullimi i infrastrukturës së kompleksit të shkollave të mesme të Gjilanit”, projekt ky i cili ka për qëllim rregullimin, sigurimin, funksionalizimin e hapësirës shkollore dhe ofrimin e shërbimeve të nevojshme për nxënësit dhe personelin është në realizim e sipër dhe gjatë këtij viti pritet të përfundojnë të gjitha punët ndërtimore sipas kontratës. Partneri privat “Adea fast food” Sh.p.k ka qenë i hapur për bashkëpunim dhe në koordinim me Ekipin për

Menaxhimin e Projektit, DZHE ka dorëzuar me kohë raportin vjetor në Ministrinë e Financave të përgatitur sipas Direktivës #5 “Mënyra e Raportimit të Autoriteteve Publike tek KPPP”.

Sa i përket projektit tjetër PPP, Komuna e Gjilanit me datë 30 maj 2019, zyrtarisht ka dërguar Njoftimin për Ndërprerje të Marrëveshjes PPP “Eco-higjiena” sh.p.k për shkëputje të kësaj kontrate si rezultat i mos përbushjes së obligimeve nga ana e partnerit privat. Tani jemi në proces tranzicioni i cili duhet të përmbyllet deri në fund të këtij viti.

Gjatë kësaj periudhe është përfunduar projekti respektivisht ndërtimi i terrenit sportiv të futbollit, hendboll, basketboll, volejball në fshatin Pogragjë, projekt ky i cili është realizuar në bashkëpunim me Shoqatën Pogragja me seli në Zvicër dhe kjo shoqatë ka marrë për sipër mirëmbajtjen e përhershme të këtij investimi dhe në këtë mënyrë komuna e Gjilanit ka siguruar qëndrueshmëri të projektit.

Një aktivitet tjetër i implementuar me sukses është edicioni i dytë i Panarit të Punës i organizuar në bashkëpunim të ngushtë me Organizatën Qeveritare Gjermane GIZ, MPMS ku kanë marrë pjesë 45 biznese të cilat kanë ofruar rreth 500 vende pune.

DZHE është përkujdesur dhe ka bashkëpunuar ngushte me tri projektet e financuara përmes programit “Fuqizimi i Sektorit Privat” të financuara nga Populli Amerikan përmes Agjencisë së Shteteve të Bashkuara për Zhvillim Ndërkombëtar (USAID) dhe Agjencisë Suedeze për Zhvillim Ndërkombëtar (SIDA). Në kuadër të projektit “Programi i Trajnimit për Vetë-Punësim” i zbatuar nga Help – Hilfe zur Selbsthilfe, ka vazhduar dhe është përmbyll procesi i vlerësimit ku nga gjithsej 44 aplikues dhe sipas buxhetit të projektit në dispozicion janë përzgjedh 12 (7 M dhe 5 F) përfitues të cilët do të shpërblehen me grante në formë të pajisjeve. Gjithashtu në kuadër të projektit tjetër i cili realizohet nga “Klubi i Prodhuesve të Kosovës” gjatë kësaj periudhe kanë përfunduar punën praktike me pagesë 31 të rinj në kompanitë “Fluidi”, “Flexograf”, “Menakon”, “Euro model”, “Gandizajn” etj.

Për më tepër DZHE në bashkëpunim me Klubin e Prodhuesve të Kosovës dhe përfaqësues të bizneseve ka organizuar sesion informues në lidhje me prezantimin e Platformës “Made in Kosova”. Kjo web platformë do të përfshijë të gjitha kompanitë e sektorit të prodhimit dhe shërbimeve në Kosovë me qëllim kryesor promovimin e produkteve dhe shërbimeve në mbarë botën. Platforma do të jetë një panair i përhershëm online, ku secila kompani do të ketë profilin e vet të kompanisë si dhe do të prezantohen të gjitha produktet e saj.

Projekti tjetër në kuadër të programit të USAID-it i cili implementohet nga American University of Kosova (AUK) është duke u realizuar me sukses ku rreth 60 të rinj nga komuna e Gjilanit janë duke ndjekur trajnime në ICT dhe gjuhë gjermane.

Sa i përket projekteve të financuara nga BE, Programi IPA BNK ka vazhduar organizimin e një mori trajnimesh ku përfitues ishin 44 ndërmarrëse artizanale gra dhe vajza nga Kosova dhe Maqedonia organizuar me temën “Prodhimi i produkteve artizanale prej materialeve ekologjike dhe paketimi”. Ky trajnim është e organizuar nga Qendra për trajnim dhe resurse për përfaqësim

(avokim) - ATRC nga Prishtina, Shoqata për iniciativa zhvillimore - Zenith, dhe Shoqata e bizneseve dhe konsulentëve – Kreacija në kuadër të projektit "Ndërtim i aftësisë konkurruese përmes bashkëpunimit dhe inovacionit - qasja në tregjet e huaja për artizanate" . Në anën tjetër ka vazhduar trajnimi i 70 grave (dy herë në javë) artizane për punime me “vek” dhe përgatitje të ushqimeve tradicionale nga projekti tjetër i cili realizohet nga OJQ “ Open door” në bashkëpunim me komunën e Gjilanit.

Në QRB gjatë kësaj periudhe janë regjistruar 260 biznese të reja dhe 415 punëtorë derisa qendra ka ofruar 1800 shërbime bizneseve në fusha të ndryshme dhe sipas kërkesave të tyre janë si dhe janë përgatit gjithsej 219 procesverbale.

Drejtoria vazhdon të bashkëpunoj ngushtë dhe të koordinohet me Komisionet Komunale të NPL “Tregu”, “Stacioni i Autobusëve” si dhe me të gjithë akterët relevant në nivel lokal dhe qendror, donator, shoqëri civile, komunitetin e biznesit, me qëllim të arritjes së partneriteteve përmes koordinimit të iniciativave dhe aktiviteteve të cilat ndikojnë në përshpejtim dhe zhvillim të qëndrueshëm ekonomik lokal.

Gjatë këtij gjashtë mujori të vitit, DZHE ka shpenzuar gjithsej : 472,933.00 Euro.

## **XI. DREJTORIA PËR MBROJTJE DHE SHPËTIM**

Drejtoria për Mbrojtje dhe Shpëtim në periudhën gjashtë mujore të vitit 2019 aktivitetin e saj e bazon në planin e punës të cilën drejtoria e harton në fillim të çdo viti kalendarik.

Duke u bazuar në përgjegjësit e saja DMSH, ka marrë masa të nevojshme për parandalimin e fatkeqësive si dhe ka përcjellë aktivitetet e subjekteve relevante duke bërë koordinimin me to varësisht nga karakteri, lloji dhe përmasat e fatkeqësisë – shkallës emergjente.

Puna e drejtorisë është në m ‘varësi nga faktorët natyror por edhe faktorëve të tjerë, njerëzor dhe teknologjik, andaj, edhe bëhet sipas intensitetit që përcaktohet nga kushtet e përgjithshme shoqërore dhe klimatike.

Prandaj, në kuadër të tërë kësaj, do t’i paraqesim raportin sipas kronologjisë së zhvilluar për gjashtëmujorin e parë të këtij viti si më poshtë;

1. Sikur çdo herë, edhe këtë vit, në fillim të periudhës gjashtë mujore është nisur me hartimin e planit të punës për vitin kalendarik 2019. Në bazë të kësaj me kërkesë të AME-së, është hartuar lista e trajnimeve të nevojshme të zyrtarëve me qëllim të ngritjes profesionale, por që në këtë vit si rezultat i angazhimit të madh të Akademisë në Vushtri, me përjashtim të një trajnimi, të tjerat nuk janë mbajtur në mungesë hapësire për shkak të angazhimit në trajnime të lëmive tjera që mbahen në Akademinë Policore në Vushtri.
2. Në këtë periudhë DMSH ka zhvilluar aktivitete dhe bashkëpunim me subjektet publike dhe komunale me qëllim të rritjes së efikasitetit në parandalimin apo zvogëlimin e pasojave nga fatkeqësitë natyrore dhe fatkeqësitë të tjera.

3. Me zyrën e Kryetarit, drejtorinë e Shërbimeve Publike është koordinuar aktiviteti në intervenime të përbashkëta në ndihmë qytetarëve për eliminimin e rrezikut nga pasojat e vërshimeve dhe në aktivitete tjera të cilat kanë qenë në interes të qytetarëve të Komunës së Gjilanit. Fatmirësisht në këtë vit për gjatë kësaj periudhe nuk kemi pasur vërshime, por kjo pjesë e vitit është karakterizuar me zjarre si në Komunë ashtu edhe në nivel vendi.
4. DMSH, ka hartuar dokumentin për sigurim të objekteve që menaxhohen nga Komuna e Gjilanit, të cilën e ka dorëzuar në zyrën e Kryetarit dhe zyrën e Prokurimit.
5. Gjithashtu, DMSH ka qenë e angazhuar edhe në hartimin e Planit Zhvillimor Komunal PZHK, në lëmin e Emergjencave.
6. Angazhimi në identifikimin e familjeve në nevojë për banim social përmes zyrtarit të DMSH-së, në Komisionin e formuar nga Kryetari i Komunës.
7. Ashtu edhe siç e thamë më lartë, ky fillim vit, në vazhdimësi deri më tani është karakterizuar me zjarre të hershme në mungesë të të reshurave ku tani veç kemi hyrë në sezonin e rregullt ku temperaturat janë ngritur dukshëm dhe zjarret sikur edhe përhapja e tyre është më madhe, DMSH ka ngritur nivelin e mobilizimit të stafit të DMSH, të SHZSH-së dhe Shërbimit Vullnetar të Zjarrfikëseve, për çka edhe ka mbajtur takim me faktorët Komunal Emergjent si me Policinë e Kosovë, Zyrën operative Emergjente 112, Inspektoratin e Zjarrfikjes, Shërbimin e Zjarrfikjes dhe Shpëtimit, ku jemi dakorduar në marrjen e masave të duhura dhe të kemi bashkëpunim të duhur me çka u dakorduam të gjithë.
8. Këtë gjashtëmujor kemi arritur ta sjellim nga Zvicra një donacion shumë me rëndësi me ndihmën e Rotari Klub Gjilani. Donacioni është një Kamion sulmues për Shërbimin e Zjarrfikjes dhe Shpëtimit, ka një gjeneratorë elektrik të integruar prej 30 kë/h, ndriçim (reflektorë) 4 x 1000 Wat Dritë, pra automjeti është shumë me rëndësi për Njësinë Profesionale të Zjarrfikjes për rastet e aksidenteve rrugore dhe fatkeqësive të tjera.
9. Njësinë profesionale të Zjarrfikëseve jemi në procedurën finale për furnizuar me tri pompa shpinore ajri profesionale të llojit STIHL Br 600, ku do të shërbejnë dhe do ta lehtësojnë punën e zjarrfikëseve për fikjen e zjarreve dhe intervenimeve të tjera.
10. Në bashkëpunim me Kompaninë Regjionale të Ujësjellësit Hidromorava, nëpërmjet grupit punues të krijuar nga Kryetari i Komunës, e me kërkesë të drejtorisë së DMSH-së, është arritur të aftësohen shtatë pika furnizuese – Hidrante për nevoja Emergjente në qytetin tonë të cilët më herët kanë qenë jashtë funksionit.
11. Në bashkëpunim me AME-në, është mbajtur simulim një ditë për tërmete me mjetin simulues përkatës të sjellë nga Turqia i cili ishte shumë efikas dhe profesional me çka kanë

marrë përvojën e duhur shumica e nxënësve të shkollave të komunës sonë se si duhet të veprohet në rast tërmeti.

12. Kemi bërë një fushat vetëdijësuese për qytetarët përmes njoftimeve të përgjithshme, si: komunikimit të drejtpërdrejt me qytetarë, këshillave të lagjeve dhe fshatrave si dhe afisheve dhe mediave-portaleve, me qëllim të njoftimit dhe të vetëdijësimit të qytetarëve në parandalimin e zjarreve fushore dhe pyjore.
13. Jemi të angazhuar përmes zyrës së kryetarit në komisionin për dezinfektimin, dezinfektimin dhe deratizimin (DDD) të objekteve dhe hapësirave publike.
14. Gjithashtu ne si drejtori, në vazhdimësi vlerësojmë mundësit e rrezeve nga faktorët e ndryshëm si ata natyror ashtu edhe nga faktori njeri.

## **XII. DREJTORIA PËR KULTURË, RINI DHE SPORT**

Aktivitetet:

1. Manifestimi kulturor-mbarëkombëtar:” Flaka e janarit 2019”- edicioni i 28 –të i cili u mbajt në patronimin e kryetarit të Komunës z.Lutfi Haziri.
  2. Me 11 janar fillon, me respektin dhe krenarinë për dëshmorët e kombit, duke bërë homazhe në varrezat e dëshmorëve dhe në lapidarët në qytet, për të vazhduar “ndeza e flakadanit” - Flakadani ndizet tek sheshi “Rexhep Mala e Nuhi Berisha” pranë lapidarëve të tyre.
  3. Manifestimi zyrtarisht u hap me 17 janar, me Akademinë e Flakës , kushtuar 20 vjetorit të çlirimit të Gjilanit.
  4. Për të vazhduar me ekspozitën e arteve figurative- pamore në orën 17-00, ku edhe këtë vit kishte prurje të punimeve të shumta artistike.
  5. Më 19 janar në Bibliotekën e qytetit u mbajt Tryeza historike kushtuar veprës së kolosit: “Mulla Idriz Gjilanit”, ku folën historianët.
  6. Me 21 janar u mbajt: Akademi përkujtimore me rastin e 13 vjetorit të ndarjes nga jeta të Presidentit historik Ibrahim Rugova, për jetën dhe veprën e dr Ibrahim Rugovës folën kryetari i Komunës z Lutfi Haziri, Adnan Merovci si dhe shkrimtari e publicisti Ibrahim Kadriu. Kjo akademi ishte pasuruar edhe me program artistik nga Shkolla e Muzikës në Gjilan si dhe nga kori “ Siparantum” nga Peja nën dirigjimin e prof. Memli Krasniqi, për të -vazhduar me koncert solistik nga muzika klasike me artist nga Shqipëria.
6. Nga 23 deri me 27 janar u organizua **Festivali mbarëkombëtar i Dramës Shqipe:**  
“ Talia e Flakës 2019”
- Festivalin e hapi Teatri Kombëtarë i Kosovës me shfaqjen:“ 1 ligu për mend” autor Gjergj Fishta, regjia Altin Basha.
- Në natën e dytë u paraqit Teatri i Gjilanit me shfaqjen “I vetëm në banesë” autor Avni Shkodra, regjia Natyrë Kallaba.

Në natën e tretë u prezantua Teatri Eksperimental “Kujtim Spahivogli” nga Tirana me shfaqjen “Kreolët e Ballkanit” autor dhe regjisor Enver Petrovci.

Nata e katërt vazhdoi me teatrin “Multimedia” me shfaqjen “Hipokritët ose pacienti anglez” autor Jeton Neziraj regjia, Blerta Neziraj.

8. Me 27 janar ishte nata e fundit dhe përmbyllja e Festivalit, në skenë u paraqit teatri “Adriana” nga Ferizaj me shfaqjen “Kur hana del”, autor Ag Apolloni, regjia Ben Apolloni, pas shfaqjes u ndan edhe çmimet që jep Festivali.

9. Më 28 janar u mbajt Festivali i Këngës për fëmijë: “Xixat e Flakës”, ku u paraqitën shumë talent të rinj.

10. Me 31 janar, në sallën e Bibliotekës u mbajt edhe **Ora e madhe letrare** “Pena e Flakës”, ku shumë krijues konkurruan me krijimet e tyre si në: poezi dhe prozë dhe në fund juria vlerësoi 3 krijimet më të mira, po ashtu u lexuan edhe shumë poezi nga shkrimtarë e poet nga të gjitha trevat shqiptare.

11. Festivali mbarëkombëtarë “Flaka e Janarit ” 2019, përfundoi me 31 janar me “Fest Flaka” – Festivali i muzikës popullore, po ashtu edhe këtë edicion, nga juria profesioniste u ndanë 3 çmimet e para, për solistët më të mirë.

**13. Dita e pavarësisë**- 17 shkurti -u shënua kjo ditë shumë e rëndësishme për Kosovën në ngritje të vlerave tona kombëtare e shtetërore, u mbajtën aktivitete kulturore, në sallën e Kuvendit u mbajt ceremonia e ndarjes së çmimit qytetarë nderi, të ndara nga kryetari Haziri, po ashtu u shënua ceremonia e Deklaratës së Pavarësisë së Kosovës nga objekti i Qeverisë arrin në Gjilan.

14. Më 5 - 6 mars, u shënua **Dita e dëshmorëve**, të gjithë ata që ranë në altarën e lirisë, ata që dhanë gjithçka dhanë edhe jetën, për lirinë që ne e gëzojmë sot.

Ky aktivitet u shënua në varrezat në “Kodrën e Dëshmorëve”, përgjegjës ishte DKRS, zyra e Kryetarit në bashkëpunim me Shoqatën e OVL- të UÇK- së.

Ishin të parapara edhe disa aktivitete për nderë të 7 dhe 8 marsit, mirëpo u anuluan për shkak të aksidentit tragjik që ndodhi paraditen e 7 marsit ku një qytetar humbi jetën e disa mbetën të lënduar.

15. Në bashkëpunim me zyrën e kryetarit, OVL, familjet e dëshmorëve dhe përfaqësuesit e fshatit, me 15 prill është organizuar “ **Beteja e Zhegocit** “, ku u përkujtuam dëshmorët e martirët të rënë në këtë betejë.

16. Po ashtu këtë vit në parkun e lagjes “Dardania” u vunë bustet e heronjve luftëtarëve e intelektualëve, që punuan pa ndalur deri në frymën e fundit për lirinë e vendit, qifti – Hanumshahe Abdullahu – Nushi e Tefik Zymberi.

17. Manifestimi: “ **Ditët e Agimit**”, që u mbajt me 1,2 dhe 3 prill në fshatin Zhegër në vendlindjen e komandantit të Karadakut “Agim Ramadani”, ky Manifestim u organizua nga Këshilli i fshatit në bashkëpunim me DKRS- në, dhe në koordinim me zyrën e Kryetarit.

Qëllimi i këtij aktiviteti për vjetshëm është rikujtimi i veprës së jashtëzakonshme të heroit të kombit, komandantit “Agim Ramadani”, në luftën për çlirimin e Kosovës.

U bënë homazhe pranë lapidarit të heroit “Agim Ramadani” nga familja e tij, bashkëlufëtarë e personalitete politike dhe po në këtë ditë në qendër të qytetit u zbulua mozaiku i punuar me gëzhoja plumbash, portreti i komandantit “Agim Ramadani”.

18.Me 27 maj “**Dita olimpike**”, ku vrapuan fëmijët e lindur ne vitin e Pavarësisë. Ne këtë aktivitet morën mbi 600 fëmije. Ky aktivitet është organizuar me KOK.

19.Më 1 qershor, u shënua **Dita ndërkombëtare e fëmijëve**, në këtë ditë u organizuan shumë aktivitete me fëmijët dhe për fëmijët.

Teatri i Qytetit shfaqti premierën e shfaqjes për fëmijë “ Beli Blerta dhe Balena blu”, luajtur nga aktorët Safete Mustafa-Baftiu e Gzim Bucolli me regji të Burim Baftiu.

Kjo festë për fëmijë u përmbyll me Festivalin “Lyra Fest” që u mbajt në teatrin e Qytetit, ky ishte edhe vit jubilar dhjetëvjetori i “Lyra Fest”.

**20.Ditëte Lirisë së Gjilanit**- 20 vjetori i Çlirimit. Më 12- 15 qershor-shënohet me disa aktivitete:

Ne Bibliotekën e qytetit organizohet ore letrare me lexuesit, moderuar nga shkrimtari Hysen Kçiku.

- Shtegu i lirisë vrapojnë fëmijët e lindur në vitin e Pavarësisë
- Inaugurimi i shtëpisë së kulturës dhe bibliotekës në Përlepnice.
- Shpallen më të dalluarit në sport, kulturë e rini.

#### **Aktivitetet në teatër:**

- Shfaqet shfaqja: “MISTERI” nga Aldo de Benedeti, regjia Afeida Boriqi,
- Shfaqja për fëmijë: ”Beli, Blerta dhe balena blu”, regjia Burim Baftiu,
- Shfaqja:” Vrapo pas gruas tënde”, regjia Ekrem Sopi.
- Trekëndëshi poetik i paqes dhe ndarja e çmimit letrar “Beqir Musliu” mbahet ne Shurdhan. Këtë çmim sivjet e fiton veprimtarja Edi Shukriu.
- Inaugurimi i Sheshit të jugut-për formon ansambli “Gjilani”.

Gjatë këtyre muajve Teatri ka përmbushur programin me dy premiera për të rritur dhe një për fëmijë.

E arritur tjetër në sport është sukse si i vashave të volejbollit “DRITA” shpallen kampionë të Kosovës.

Sa i përket projekteve në sport ato janë duke u realizuar sipas planit.

Në bibliotekë gjatë kësaj periudhe janë regjistruar mbi 3,000 lexues dhe janë lexuar mbi 10 000.

Sa i përket sektorit të rinise janë realizuar aktivitet të ndryshme sipas planit vjetor.

DKR gjatë kësaj periudhe ka shpenzuar gjithsej 134,221.04 euro.

## **NJËSITË DHE ZYRET**

### **I.PROKURIMI**

Zyra e prokurimit gjatë periudhës janar – qershor sipas kërkesave nga njësit kërkuese ka zhvilluar procedura të prokurimit. Janë nënshkruar 31 kontrata publike, 22 aktivitete janë në procedurë.

Gjatë kësaj periudhe zyra e prokurimit ka përgatitur vendimet lidhur me kërkesat për rishqyrtim të parashtruara nga OE, ku vlen të theksohet se shumë prej tyre pas pranimit të përgjigjeve nga



AK të cilat kanë qenë bindëse dhe të argumentuara, OE janë pajtuar dhe nuk kanë parashtruar ankesë në OSHP.

**Gjatë kësaj periudhe janë nënshkruar këto kontrata:**

1. Furnizim me ushqim për kafshë
2. Organizimi i Manifestimit të Flakës së Janarit 2019 dhe Pavarësisë së Kosovës
3. Servisimi i automjeteve për KK Gjilan
4. Shkëputja e kontratës me DDD
5. Ndërtimi i tregut të gjelbër në KK Gjilan
6. Pastrimi i objekteve komunale në KK Gjilan
7. Pastrimi i objekteve shkollore në KK Gjilan
8. Furnizim me material botues për nevojat e KK Gjilan
9. Furnizim me fare misri
10. Furnizim dhe montim laminat druri për IP Ardhmëria 1 dhe Ip Intexh
11. Pastrimi i rrugëve, trotuareve, mirëmbajtja e parqeve dhe hapësirave publike – Aneks – Kontratë
12. Transporti i nxënësve ndarja në Lote -Ri-tender
13. Furnizim me ushqim për kafshë – vlerë minimale
14. Ndërtimi i rrugës Verbicë e Zhegocit – Sllovi
15. Asfaltimi i rrugëve në fsh. Bresacë dhe lagjen e Makiqëve – Aneks – Kontratë
16. Deratizimi, Dezinsektimi dhe Dezinfektimi
17. Mbikëqyrja e projekteve investive për K.K.Gjilan
18. Transmetimi i seancave të KK Gjilan, mbledhjeve te bordit të drejtoreve, konferencave dhe aktiviteteve tjera
19. Transporti i nxënësve në relacionet Sllubicë – Pogradjë dhe anasjelltas, Stublinë – Pogradjë dhe anasjelltas
20. Hartimi i projekteve ideore dhe kryesore Lot 1
21. Furnizimi me artikuj ushqimor për çerdhet e fëmijëve, konviktin e nxënësve dhe shkollat
22. Furnizimi dhe montimi i dyerve në objektin-garazhin e NJPZSh
23. Furnizim me serra
24. Zërimi, bina, ndriçimi dhe dekorim i binës për manifestime të ndryshme kulturore.
25. Furnizim me pajisje të kabinetit për shkollën e mesme Mehmet Isai
26. Furnizim me mekanizim Bujqësor
27. Furnizim me makina mjelëse
28. Furnizim me pompe (shpinore) motorike për presion të ajrit
29. Asfaltimi i rrugëve në fsh. Livoq i Ulët dhe Livoq i Epërm, kanalizimi fekal dhe asfaltimi i rrugëve në lagjen e Porodinit- ndarja në Lote Lot I dhe Lot III janë nënshkruar. Ndërsa Lot II në Rivlerësim.
30. Ndërtimi i rrugëve fushore për nevoja të bujqve – shtrimi i rrugëve me zhavorr.
31. Furnizimi dhe vendosja e kamerave për shkollat e komunës së Gjilanit.

### **Aktivitetet në implementim e sipër :**

1. Rregullimi i kanalizimit fekal në rrugën e Kumanovës deri te Lumi në Livoqin e Ulët
2. Furnizim me instrumente të gjeodezisë –Ri tenderim
3. Ndërtimi i kanalizimit fekal dhe atmosferik në lagjen Dheu i Bardh
4. Furnizim me vegla muzikore për shkollën e mesme të muzikës
5. Sinjalizimi vertikal dhe horizontal – mirëmbajtja dhe furnizimi me semafor
6. Shërbimet e konsulencës për studimin e fizibilitetit të projektit te Palestra e sporteve “Bashkim Selishta”.
7. Furnizim me EKSTRAKT- mjete për fikjen e zjarrit për NjPZSh
8. Furnizim me ushqim dhe pije
9. Shërbime konsulente –asistencë teknik dhe profesionale për nevojat e Komunes
10. Sinjalizimi horizontal dhe vertikal
11. Ndërtimi i urës në fshatin Dobërqan
12. Asfaltimi i rrugëve në fshatin Livoq i Epërm-lagjja Jabuqve
13. Asfaltimi i rrugëve ne fshatin Livoq i Poshtëm
14. Ndërtimi i shtatores së Mulla Idriz Gjilani
15. Asfaltimi i rrugëve në qytet rr.7 Shtatori
16. Tërheqja e automjeteve
17. Rishikimi studimit të fizibilitetit Palestra e sporteve
18. Mirëmbajtja dhe riparimi i gjeneratorëve
19. Konkurs projektimi për Parkun “Baja” ,Parku i Paqes dhe Parku Pajtimi
20. Hartimi i projektit ideor për ndërtimin e shtatores së Mulla Idriz Gjilani
21. Shërbime konsulente-asistencë teknik dhe profesionale për nevojat e Komunës
22. Studim fizibiliteti të projektit të gazsjellësit dhe shpërndarjes së gazit natyror të kompresuar (GNK) për Komunën e Gjilanit

### **Sfidat :**

Nëse gjatë implementimit të planeve është hasur në vështirësi të ndryshme p.sh. pengesa brenda Drejtorisë, Komunës apo institucioneve të ndryshme, ju lutem shpjegoni në këtë hapësirë.

1. Problemet – pengesat në e-prokurim p.sh. dërgimi i çelësave te anëtarët e hapjes se ofertave.
2. Pranimet teknike
3. Ankesat e pa baza nga OE si në AK ashtu edhe në OSHP
4. Menaxhimi i kontratave
5. Trajnimi i zyrtarëve komunal në vlerësimin e ofertave dhe në menaxhimin e kontratave. Si pasoj e mungesës së menaxhimit të kontratave kemi pasur rastin e tejkalimeve të kontratave, etj.

### **Anulimet :**

1. Mirëmbajtja dhe servisimi i e-kioskave – ANULIM
2. Furnizim me pajisje të kabinetit për shkollën e mesme Mehmet Isai – ANULIM

## II. NJËSIA E KUVENDIT

Bazuar në Planin e punës së Njesisë së Kuvendit dhe Planin e punës të Kuvendit për periudhën JANAR-QERSHOR 2019, Njësia e Kuvendit ka kryer këto aktivitete:

1. Përgatitja profesionale dhe teknike e seancave të rregullta të Kuvendit të Komunës së Gjilanit, bazuar në orarin vjetor për mbajtjen e seancave të KK-Gjilan,
2. Përgatitja profesionale dhe teknike e seancave solemne, të cilat KK-ja i ka mbajtur sipas nevojës,
3. Përgatitja profesionale dhe teknike e mbledhjeve të Komitetit për Politikë dhe Financa dhe komiteteve tjera të parapara me Statutin e Komunës, bazuar në kalendarin vjetor për mbajtjen e mbledhjeve të komiteteve,
4. Përcjellja e takimeve dhe mbajtja e procesverbaleve të KK-së dhe komisioneve tjera të formuara nga KK-ja,
5. Përkthimi i të gjitha materialeve të kuvendit, komiteteve, zyrës së kryetarit dhe organeve tjera komunale, si dhe përkthimi simultan i seancave të rregullta dhe të tjera të kuvendit, komiteteve dhe takimeve tjera të institucioneve komunale,
6. Dërgimi në MAPL i raportit mujor, për të gjitha aktet dhe shkresat e përkthyer të lëshuara nga institucionet komunale,
7. Lekturimi i të gjitha materialeve të Kuvendit dhe Komiteteve dhe materialeve e akteve tjera të KK-së,
8. Ekspedimi me kohë i të gjitha materialeve për seancat e kuvendit, komiteteve dhe takimeve tjera të institucioneve komunale, në formë fizike dhe elektronike,
9. Përgatitja teknike e sallës së kuvendit, kujdesi për mirëmbajtjen e aparaturës për zërim dhe incizimi përmes kamerës dhe incizimi tonik i seancave.
10. Njoftimi me kohë i anëtarëve të kuvendit për mbajtjen e seancave të KK-së,
11. Dërgimi i të gjitha vendimeve, rregulloreve dhe akteve tjera në MAPL për vlerësim të ligjshmërisë bazuar në Ligjin për Vetëqeverisjen Lokale,
12. Dërgimin e raporteve të rregullta mujore në MAPL për të gjitha aktet e miratuara nga KK-Gjilan si dhe dërgimi i të gjitha akteve të nxjerra nga kryetari i komunës, në MAPL për vlerësim të ligjshmërisë së të njëjtave,
13. Ekspedimi me kohë i të gjitha vendimeve, rregulloreve, rekomandimeve e akteve tjera brenda institucioneve komunale, me qëllim të implementimit të tyre.,
14. Bashkëpunimi brenda institucioneve komunale dhe me organet qeveritare dhe ministritë tjera të linjës, në funksion të mbarëvajtjes së funksionimit sa më të mirë të organeve komunale.

Gjatë periudhës Janar-Qershor 2019, kuvendi dhe komitetet e KK-së kanë mbajtur takimet si në vijim:

1. Kuvendi ka mbajtur 6 seanca të rregullta dhe një seanca solemne dhe ka miratuar 49 vendime, prej të cilave 3 rregullore,

2. Komiteti për Politikë dhe Financa, ka mbajtur 6 mbledhje dhe ka nxjerr 49 rekomandime për miratim në Kuvend
3. Komiteti për Shëndetësi dhe Mirëqenie Sociale, ka mbajtur 3 takime dhe ka nxjerr 1 rekomandim
4. Komiteti për Komunitete ka mbajtur 4 takime dhe ka nxjerr 1 rekomandim
5. Komiteti për Planifikim Urban dhe Mbrojtje të Mjedisit, ka mbajtur 1 takim dhe ka nxjerr një rekomandim
6. Komiteti për Shërbime Publike, Banim, Mbrojtje dhe Shpëtim ka mbajtur 2 dhe ka nxjerr një rekomandim
7. Komiteti për Arsim ka mbajtur 5 takime dhe ka nxjerr një rekomandim
8. Komiteti për Gjeodezi, Kadastër dhe Pronë ka mbajtur 2 takime dhe ka nxjerr 2 rekomandime
9. Komiteti për Kulturë, Rini dhe Sport ka mbajtur 6 takime dhe ka nxjerr 4 rekomandime
10. Komiteti për Zhvillim Ekonomik dhe Agrikulturë ka mbajtur 3 takime dhe ka nxjerr 4 rekomandime
11. Komiteti për Barazi Gjinore ka mbajtur 4 takime dhe ka nxjerr 3 rekomandime
12. Komiteti për Bashkëpunim Ndërkufitarë ka mbajtur 8 takime dhe ka nxjerr 3 rekomandime
13. KKSB ka mbajtur 3 takime dhe ka nxjerr 3 rekomandime
14. Janë mbajtur 6 debate për rregullore për buxhet

Gjatë kësaj periudhe raportuese, bazuar në ndryshimet dhe plotësimet në Statutin e Komunës së Gjilanit, si dhe bazuar në Vendimin e Kuvendit të Komunës së Gjilanit të datës 26.11.2018, janë themeluar edhe dy komitete konsultative: Komiteti Konsultativ për Persona me Aftësi të Kufizuar dhe Komiteti Konsultativ i Ekspertëve të Planifikimit Hapësinor, e të cilat i kanë mbajtur takimet konstituive dhe kanë zgjedhur edhe kryesuesit e Komiteteve përkatëse.

Njësia e Kuvendit gjatë periudhës Janar-Qershor 2019 nga bashkëpunimi që ka pasur me Ministrinë e Administrimit të Pushtetit Lokal, në lidhje me vlerësimin e ligjshmërisë të akteve të dërguara dhe nuk ka pranuar asnjë konfirmim negativ.

### **III. NJËSIA E PERSONELIT**

Raporti i punës përfshin përmbledhjen e aktiviteteve punuese në Njësinë e personelit për periudhën janar – qershor 2019

Njësia e personelit merret kryesisht me menaxhimin e burimeve njerëzore të cilët janë pasuria kryesore e një organizate buxhetore.

Menaxhimi i burimeve njerëzore është proces i cili tejkalon kufijtë e njësive buxhetore dhe përbëhet nga disa komponentë edhe atë:

Planifikimi, punësimi, menaxhimi i performancës, trajnimi dhe zhvillimi i karrierës së nëpunësve civilë.

Po ashtu Njësia e personelit bënë mbikëqyrjen dhe zbatimin e dispozitave ligjore dhe akteve nënligjore, kryesisht nga marrëdhënia e punës dhe procedura administrative, duke bashkëpunuar

dhe koordinuar veprimet e saj me Kryetarin e Komunës dhe drejtoritë përkatëse lidhur me zbatimin e përgjegjësiave të Komunës të cilat rrjedhin nga ligjet dhe aktet nënligjore nga sfera e marrëdhënies së punës dhe pagave të SHC.

Andaj, njësia e personelit në kuadër të planit të saj punues këtë vit ka kryer aktivitetet punuese si në vijim:

Akt emërimi 32, kontrata në vepër dhe kontrata tjera 167, ka shpallur 3 konkurse për 31 pozita, hartimit i 87 vendimeve të ndryshme, 26 takime pune, 32 vërtetime të ndryshme, 35 pushime mjekësore, pushime vjetore 170, ka hartuar 18 raporte dhe procesverbale, janë mbajtur 13 seanca të komisioneve, ka hartuar shkresa 33, njoftime 27, përgjigje 6, ftesa, kërkesa të ndryshme 39, plotësimi i formularëve për MAP 68, 45 konsultime me zyrtarë dhe të tjerë, aktivitete të ndryshme 256, janë përpunuar, skanuar dhe regjistruar në SIMBNJ 5 dosje, marrëveshje për shërbime të veçanta 24, janë skanuar dhe kopjuar 320 dokumente, si dhe 296 shërbime dhe këshilla të ndryshme.

#### **Aktivitetet shtesë:**

1. Mbajtja e përhershme e evidencës së punëtorëve të Komunës përmes sistemit elektronik;
2. Menaxhimi me lista të pagave së shërbyesve civil;
3. Menaxhimi me stafin në aspektin e mbajtjes së trajnimeve të ndryshme;
4. Raportimi nivelit qendror; MAPL dhe MAP për numrin e punëtorëve sipas gjinisë, kualifikimit, etnitetit etj;
5. Përgatitja e formularëve: për punëtorë të ri, ndryshime, të larguar, retroaktive dhe dërgimi i tyre në Ministrinë e Administratës Publike - Divizioni i pagesave, Prishtinë;
6. Ofrimi i të dhënave për auditorin e brendshëm, jashtëm dhe KPMSHCK;
7. Përpunimi dhe azhurimi i listës së SHCK;
8. Nxjerrja e të dhënave financiare të SHCK për buxhetin 2019;
9. Pjesëmarrja në hartimin e buxhetit 2020;
10. Bashkëpunimi me të gjithë drejtoritë komunale sa i përket aspektit të nëpunësit civil;
11. Përgatitja e konkurseve, publikimi i tyre dhe zhvillimi i procedurave rekrutuese konform konkurseve;
12. Organizimi i punëve të Komisionit disiplinor dhe Komisionit për zgjidhjen e kontesteve dhe ankesave të Komunës.
13. Shpallja e konkurseve dhe zhvillimi i procedurave të rekrutimit përmes SIMBNJ
14. Shfrytëzimi i pushimeve vjetore, mjekësore, vdekjes, lehonisë, etj. përmes SIMBNJ
15. Përpunimi i dosjeve të nëpunësve civil dhe futja e dosjeve në SIMBNJ
16. Pjesëmarrja në trajnime rreth SIMBNJ, monitorimit të performancës, etj.

#### **IV. NJËSIA PËR TË DREJTAT E NJËRIUT**

Raporti pasqyron përmbledhjen e punëve të Njesisë Komunale për të Drejtat e Njeriut për periudhën gjashtëmujore janar- qershor 2019.

Në raport janë prezantuar aktivitetet që pasqyrojnë dhe reflektojnë angazhimin dhe rezultatet e shënuara gjatë kësaj periudhe të cilat i trajton njësia për të drejtat e njeriut si mekanizëm përgjegjës NJDNJ promovon dhe mbron të drejtat e njeriut në nivelin komunal.

Monitoron përputhshmërinë e respektimit të standardeve për të drejtat e njeriut në këto fusha: mundësi të barabarta, mbrojtje nga diskriminimi, barazi gjinore, të drejtat e fëmijëve, personat me nevoja të veçanta, të drejtat e komuniteteve, përdorimi i gjuhëve dhe kundër trafikim me qenie njerëzore e të tjera

Koordinatori dhe zyrtaret e NJDNJ gjatë kësaj periudhe 6 mujore kanë monitoruar seancat e kuvendit, komiteteve dhe takime të tjera të organizuara në kuadër të komunës.

Zyrtarja për barazi gjinore si anëtare e komisionit për sistemin e menaxhimit të performancës komunale në fushën e të drejtave të njeriut gjatë muajit janar ka mbledhë të dhënat e të punësuarve për vitin 2018, të ndara sipas kategorisë duke përfshirë numrin total, strukturën gjinore dhe etnike për të gjithë të punësuarit në institucionet komunale.

Zyrtarët e NJDNJ-së morën pjesë në takimin e organizuar më 17 janar në “Swis Diamond” ku u lansua raporti me temë” Strehimoret për viktimat e dhunës në familje në Kosovë”.

Në muajin shkurt zyrtarët e NJDNJ-së morën pjesë në punëtorinë në qytetin e Vlorës në kuadër të projektit SoR-i të mbështetur nga Giz-i, “Shërbimet sociale për grupet vulnerabël” ku prezent ishin 2 komuna të Kosovës, Gjilani dhe Ferizaj dhe 2 komuna të Shqipërisë, Elbasani dhe Vlora.

Përmes këtij projektit është synuar që të arrihet ngritja e vetëdijes së qytetarëve për përfitimin e shërbimeve sociale nga komuna në njërin anë si dhe ngritjes së bashkëpunimit të zyrtarëve komunal në adresimin e problematikave që kanë të bëjnë me grupet e cenueshme.

U shënuar 17 Shkurti “Dita e Pavarësisë” me aktivitete të ndryshme nga zyrtarët e NJDNJ, asambleja e fëmijëve dhe nxënësit e SHFMU të Komunës së Gjilanit.

Për nderë të “7 Marsit Ditës së Mësuesit”, zyrtarja për të drejtat e fëmijëve me asamblenë e fëmijëve kanë realizuar vizitat në SHFMU “Rexhep Elmazi”, “Musa Zajmi”, “Selami Hallaqi”, “Abaz Ajeti” dhe “Thimi Mitko” ku fëmijëve me aftësi të kufizuara u shpërndanë dhurata.

### **8 marsi- Dita Ndërkombëtare e Gruas u shënuar me aktivitete:**

- Vizitë Policisë së Kosovës-
- U mbajt tryeza me temë: “Rëndësia e aktivizimit të gruas në shoqëri”
- Vizitë në strehimore për mbrojtjen e gruas dhe fëmijës “Liria”

NJDNJ pas disa takimeve, punëtorive dhe dëgjimit publik të organizuar më 8 mars për draft rregulloren mbi themelimin dhe strukturimin e asambleve të fëmijëve të komunës së Gjilanit, kuvendi komunal i Gjilanit më 28 mars 2019, miratoi Rregulloren- mbi Themelimin dhe Strukturimin e Asamblesë Komunale të Fëmijëve.

Më 15 mars u mbajt takimi regional me anëtarët e mekanizmave kundër dhunës në familje, ku u dhanë udhëzimet për grumbullimin e të dhënave për indikatorët e objektivave strategjike të planeve lokale për mbrojtje nga dhuna në familje.

Pjesëmarrja e zyrtarëve të NJDNJ-së më 19 mars në takimin e Koalicionit për Barazi me temë: “Fuqizimi i Grave në Politikë”, ku u theksua nevoja e organizmit të takimeve nëpër lokalitete të ndryshme për të diskutuar për përkrahjen e grave në politikë, për t’u përgatitur për zgjedhjet e ardhme që të kemi sa më shumë gra në vendimmarrje.

NJDNJ në kuadër të projektit SOR-i mbështetur nga GIZ- implementuar nga OJQ Inpo më 26 mars realizuan dëgjimin publik “Informimi dhe promovimi në mbrojtje të të drejtave të fëmijëve”. ZDF me asamblenë e fëmijëve për nder të 26 marsit- “Ditës Ndërkombëtare të Ujit” realizuan vizitën në KRU-Hidromorava.

Në muajin prill zyrtarët e NJDNJ-së morën pjesë në tryezën rajonale të organizuar nga OSBE për promovimin e barazisë gjinore në nivel lokal si dhe punëtorinë me temë: “Kuatridhegjor dhe i politikave për dhunën në familje në Kosovë”

ZBGJ mori pjesë në trajnimin 3 ditor në Durrës me temë: “Parandalimi i dhunës në familje dhe trajtimi i rasteve të dhunës sipas Konventës së Stambollit.

ZBGJ mori pjesë në të gjitha takimet e Këshillit Komunal për Siguri në Bashkësi dhe në takimet e Komitetit për Barazi Gjinore gjatë periudhës 6 mujore.

Më 15 maj u shënua “Dita Ndërkombëtare e Familjes”, ku GP i komunës në kuadër të projektit SOR-i të mbështetur nga Giz, realizuan vizita në familjet me nevoja sociale ku gratë janë nëna vetushqyese, me ç ‘rast u njoftuan për shërbimet sociale që ofron komuna për këto kategori dhe ju dhuruan pako ushqimore dhe veshmbathje.

Më 20 maj, ZBGJ në bashkëpunim me OSBE-në dhe komisionin për themelimin e këshillave lokale, organizuan takimin konsultativ me këshilltarët komunale gra, Komitetin për Barazi Gjinore dhe gratë aktive të komunës me qëllim që të lobohet dhe njëherit të kërkohet që këshillat lokalë të kenë përbërje gjinore 50%-50% në mënyrë që të zbatohet Kushtetuta, Ligjet dhe rregulloret në fuqi.

Zyrtarja për të drejta të fëmijëve në bashkëpunim me asamblenë e fëmijëve shënuan “1 Qershori Dita Ndërkombëtare e Fëmijëve”

- Vizitë Policisë së Kosovës nga Asambleja e Fëmijëve
- Vendosija e Panos para teatrit të qytetit.
- Aktivitet për shënimin e Ditës Botërore kundër duhanit nga ISHP-Spitali Rajonal Gjilan në bashkëpunim me AF.
- Realizimi i aktiviteteve me Asamblenë e Fëmijëve, nxënësit e të gjitha komuniteteve dhe nxënësit me aftësi të kufizuara të SHFMU të Komunës së Gjilanit.

- Vizitë fëmijëve në repartin e Pediatrisë në Spitalin Rajonal të Gjilanit – shpërndarja e dhuratave për fëmijët.
- Vizitë Çerdhes “Poema”.
- Pjesëmarrja e fëmijëve në Teatrin Magjik në premierën dhe shfaqjen për fëmijë “Beli, Blerta dhe Balena Blu”

NJDNJ në bashkëpunim me asamblenë e fëmijëve, GP- në kuadër të projektit Sor-i- GIZ, QRSHP, DSHMS, Policia e Kosovës, FSK, DKA shënuan 26 qershorin “Ditën Botërore kundër Abuzimit dhe trafikimit me droga” me aktivitete:

- Realizimi i shfaqjes
  - Shpërndarja e fletushkave dhe vizatimeve të punuara nga vetë fëmijët prezent.
- Zyrtarët e NJDNJ-së gjatë periudhës 6 mujore morën pjesë në tryeza, punëtori, trajnime, dëgjime publike, vizita të organizuara nga MAPL, ABGJ, ZQM, OSBE, USAID, Syri i Vizionit, Save the children, GIZ-i-Inpo etj.

NJDNJ bashkëpunon ngushtë në kryerjen e detyrave dhe realizimin e projekteve me OJQ vendore dhe ndërkombëtare.

Zyrtarët e NJDNJ-së morën pjesë në 3 takime të Mekanizmit Kundër Dhunës në Familje të mbajtura në periudhën 6 mujore, të koordinuar nga zyrtarja për barazi gjinore.

## **V. NJËSIA E AUDITIMIT TË BRENDSHËM**

Njësia e Auditimit të Brendshëm në këtë gjashtëmujor ka vazhduar punët në bazueshmëri të Planit Strategjik për vitet 2019 -2021 dhe Planit Vjetor për vitin 2019. Plane këto të aprovuara nga Kryetari i Komunës dhe Komiteti i Auditimit.

Brenda kësaj periudhe NJAB-ja ka arritur t’i përfundoi pesë auditime, nga gjashtë auditime sa kanë qenë të planifikuara me Planin Vjetor të vitit 2019, ndërsa dy auditime janë në proces.

Arsyeja e mos kryerjes së edhe një auditimi (nga gjashtë auditimet e planifikuara) deri në përfundim të gjashtëmujorit të parë ka qenë shkuarja në pushim mjekësor e auditores. Ashtu që auditimi i radhës në Drejtorinë për Shërbime Publike, Infrastrukturë dhe Banim është filluar për 13 ditë më vonë nga data e planifikuar (auditimi është filluar me 07.06.2019, ndërsa pritet të përfundojë me 19.07.2019).

Për përmirësimin e proceseve të audituara menaxhmenteve i janë dhënë gjithsejtë 11 rekomandime, ku shumica e rekomandimeve ende janë në proces të zbatueshmërisë (për shkak të afatit të shkurtër kohor për zbatim).

Deri me 30 qershor 2019 janë kryer këto auditime:

1. Auditimi i Drejtorinë e Administratës së Përgjithshme (procesi i të hyrave dhe shpenzimeve),



2. Auditimi i Procesit të Shpenzimeve në tërë Administratën Komunale (me përjashtim të drejtorisë së Arsimit dhe Shëndetësisë, ku te këto drejtori kryhen auditime të veçanta),
3. Auditimi në Drejtorinë e Urbanizmit (procesi i të hyrave dhe shpenzimeve),
4. Auditimi në Drejtorinë për Kulturë, Rini dhe Sport (procesi i të hyrave dhe Shpenzimeve), dhe
5. Auditimi në Shërbimin e Autoparkut (Vlerësimi i zbatueshmërisë ligjore gjatë menaxhimit me automjetet e Komunës), Ndërsa dy auditimet në proces, gjegjësisht që për momentin janë në fazën e raportimit janë:
6. Auditimi në Drejtorinë për Shërbime Publike, Infrastrukturë dhe Banim dhe
7. Auditimi në Drejtorinë për Shëndetësi dhe Mirëqenie Sociale.

Aktivitetet e tjera të cilat janë planifikuar ose janë realizuar për zhvillimin e auditimit të brendshëm në kuadër të Komunës:

1. Në fillim të vitit 2019 është përgatitur Raporti Vjetor i NJAB-së për vitin 2018. Pastaj gjatë fillimit të muajit prill ka pasur angazhime lidhur me verifikimin e zbatueshmërisë së rekomandimeve të Auditorit të Brendshëm të dhëna në vitin 2018 dhe rekomandimeve të Auditorit të Zyrës Kombëtare të dhëna në raportin e vitit 2017. Për të gjeturat lidhur me zbatueshmërinë e rekomandimeve është përgatitur një raport, i cili i është dorëzuar Kryetarit të Komunës dhe Komitetit të Auditimit.
  2. Janë mbajtur dy takime të rregullta me Komitetin e Auditimit të Brendshëm (me 30.01.2019 dhe me 16.04.2019), ku është shqyrtuar Raporti Vjetor i NJAB-së për vitin 2018, si dhe dy Raportet e NJAB-së të përfunduar në tremujorin e parë.
  3. NJAB-ja ka pasur angazhime dhe aktivitete të ndryshme me përfaqësuesit e Projektit TEAM (Komuna Transparente, Efektive dhe Llogaridhënese), me ç ‘rast drejtori i NJAB-së, së bashku me këshilltaren për auditim në kuadër të Programit TEAM ka bërë rishikimin e zbatueshmërisë së rekomandimeve të dhëna nga Zyra Kombëtare e Auditimit në raportin e Pasqyrave Financiare për vitin 2016 dhe 2017. Rezultat i kësaj është fillimi i aplikimit të programit E-Pasuria, fillimi i raportimeve mujore nga drejtoritë Komunale sipas një forme standarde të raportimit, si dhe pasurimi i listës së rreziqeve me kontrollera adekuate për minimizimin e tyre (që të gjitha kanë qenë pjesë e rekomandimeve të Zyrës Kombëtare të Auditimit).
- Gjithashtu kemi pasur angazhime të përbashkëta lidhur me përgatitjen e një doracaku për Trajtimin e Procesit të Auditimit të Jashtëm dhe të Brendshëm nga ana e Entiteteve të audituara.
- Edhe këtë vit pas plotësimit final të Pyetëtorit vet-vlerësues për Menaxhim Financiar dhe Kontroll, drejtori i NJAB-së sipas sugjerimit të auditorit të ZKA-së ka bërë rishikimin e këtij pyetëtori, për çka ka përgatitur një informatë për Kryetarin e Komunës dhe Kryesuesin e Komisionit për plotësimin e këtij pyetëtori duke u rekomanduar që ky pyetësor të shqyrtohet nga Këshilli i Drejtorëve me qëllim të informimit me përgjigjet e dhëna ndaj 106 pyetjeve (të

ndara në pesë komponent), ashtu që në komponentët e vlerësuara me pikë më të ulëta (1 apo 2) të rrisin angazhimet dhe veprimet e tyre për përmirësimin e atyre fushave.

4. Nga fundi i muajit mars, drejtori i NJAB-së, me përzgjedhjen e MF- NJQHAB dhe me aprovimin e Kryetarit të Komunës ka qenë i angazhuar në cilësinë e mentorit për një kandidate e cila ka qenë në fazën e certifikimit kombëtar për auditim të brendshëm. Kandidatja është dashur t'i kryej dy auditime praktike për të fituar të drejtën e provimit me gojë. Auditimet janë kryer në Drejtorinë e Urbanizmit dhe në Shërbimin e Autoparkut.
5. Drejtori i NJAB-së me 19.06.2019 ka marrë pjesë në Tryezën me udhëheqësit e Njësisë Komunale të Auditimit të Brendshëm me temë: Proceset audituese – Ndarja e përvojave.
6. Si aktivitete tjera mund të ceket ofrimi i ndihmave profesionale të vazhdueshme për të gjitha Drejtoritë Komunale që kanë shfaqur interesim dhe nevojë.

### **Sfidat:**

Një ndër sfidat kryesore të NJAB-së edhe këtë vit vazhdon të jetë realizimi i tërësishëm i Planit Vjetor për vitin 2019, duke i realizuar objektivat kryesore të auditimit e që kanë të bëjnë me ofrimin e ndihmës së menaxhmenteve të drejtorive komunale për ngritjen dhe përmirësimin e kontroleve të brendshme në sistemet dhe proceset e tyre ku ata janë përgjegjës. Kemi arritur që të gjitha objektivat e planifikuara për auditim t'i realizojmë plotësisht, përkundër asaj se kanë pasur një fushëveprim mjaftë të gjerë dhe kompleks.

Në secilin auditim të kryer, pos të gjeturave të menaxhmentit të drejtorisë së audituar i janë dhënë edhe rekomandime për përmirësimin e proceseve dhe sistemeve, duke u bërë në vazhdimësi përcjellja e zbatueshmërisë së atyre rekomandimeve. Pra është krijuar një bashkëpunim produktiv në mesë NJAB-së dhe menaxhmenteve komunale.

Por edhe pse numri i rekomandimeve të dhëna është në rënie, ndërsa trendi i zbatueshmërisë së rekomandimeve vazhdon të jetë në rritje, përsëri edhe më tutje sfidë e vazhdueshme mbetet mos zbatimi i plotë i të gjitha rekomandimeve të dhëna. Andaj, kërkohet në vazhdimësi një angazhim më konkret i menaxhmenteve të drejtorive komunale dhe menaxhmentit të lartë të Komunës lidhur me implementimin e rekomandimeve të dhëna si nga Auditori i Zyrës Kombëtare ashtu edhe nga Auditori i Brendshëm.

## **VI. ZYRA LIGJORE**

Aktivitetet :

1. Hartimi i ndryshimeve dhe plotësimeve në Rregulloren për taksa, ngarkesa dhe gjoba komunale nr. 016-126416 dt. 29.12.2016.
2. Hartimi i ndryshimeve dhe plotësimeve në Rregulloren për fillimin dhe mbarimin e orarit të punës të subjekteve afariste në territorin e komunës së Gjilanit nr. 01.16-59035 të dt. 27.06.2013.

3. Hartimi i ndryshimeve dhe plotësimeve në Rregulloren për dhënien e titujve të nderit, çmimeve, mirënjohjeve dhe shpërblimeve, 01. nr. 016-126660 të dt. 26.11.2018.
4. Hartimi dhe miratimi i Rregullores për konstituimin dhe themelimin e asamblesë komunale të fëmijëve

Tjera:

1. Projekt - kontratë/marrëveshje mirëkuptimin, ndryshimi dhe plotësimi i tyre-32
2. Vendime të hartuara, ndryshimi dhe plotësimi i tyre-110
3. Përgjigje në shkresa/kërkesa/ankesa -5
4. Qarkore ligjore-5
5. Opinione ligjore-11
6. Konsultime/këshilla ligjore-juridike-11
7. Shkresa/njoftime dërguar organeve dhe institucioneve lokale dhe qendrore -1
8. Urdhëresa të hartuara- 2
9. Debate/Dëgjime publike për akte të ndryshme-4

Numri i aktiviteteve, gjithsej 191.

Lekturimi: në kuadër të zyrës ligjore janë kontrolluar 768 faqe, gjegjësisht 176 dokumente të ndryshme

## **VII. ZYRA PËR INFORMIM**

Zyra për Informim Publik (ZIP) ka komunikuar me qytetarët përmes formave të ndryshme në më shumë se 485 raste në periudhën janar – qershor 2019, edhe atë përmes komunikatave për media, ftesave për aktivitete publike, njoftime, etj., të cilat janë publikuar në afat rekord dhe në mënyrë profesionale në web faqen zyrtare të Komunës dhe në faqen tjetër në rrjetin social Facebook. (mesatarisht 3.1 komunikata për media për ditë pune).

ZIP ka organizuar ciklin e parë të konferencave për media, me ç'rast është paraqitur puna e drejtorëve dhe planifikimi për gjashtë-mujorin e dytë të punës.

Zyra për Informim, një punë shumë e madhe ka bërë në aspektin e qasjes në dokumente publike, ku për këtë periudhë kanë ardhur 33 kërkesa, 31 janë kthyer me kohë, ndërsa dy janë në proces. Kërkesat kanë ardhur kryesisht nga ana e qytetarëve, shoqëria civile, mediat dhe partitë politike.

Gjatë periudhës gjashtëmujore, Zyra për Informim e ka bërë në publikimin në web faqe të të gjitha akteve komunale në gjuhët zyrtare, sikurse edhe vendimet, procesverbalet, njoftimet e konkurset etj. Me këtë edhe kemi ndikuar në avancimin e transparencës së Komunës së Gjilanit.

Po ashtu, gjatë kësaj periudhe, Zyra për Informim Publik ka vazhduar implementimin e projektit shumë të rëndësishëm për avancimin e transparencës “Livestream”, ku shtatë seancat e Kuvendit Komunal të Gjilanit janë transmetuar drejtpërdrejt në kanalën zyrtar të Komunës në Youtube,

derisa videot e plota janë publikuar në web faqe. Ky është projekti i parë i kësaj natyre i realizuar në nivel vendi, i cili ka nisur në shkurt 2016 dhe është realizuar me një shumë simbolike.

Zyra për Informim ka përgatitur, e dizajnuar të gjitha llojet e ftesave e mirënjohjeve, e çmimeve në kuadër të punës në gjashtëmujorin e parë.

Bashkëpunimi i mirë i Zyrës për Informim Publik e Komunës së Gjilanit me mediat, ka bërë që të gjitha aktivitetet e ekzekutivit dhe legjislativit të mbulohen në mënyrën më të mirë, edhe atë në portale, gazeta, televizione dhe radio, për çka shprehim falënderim të veçantë.

E gjithë kjo punë e zyrës sonë është bërë me mbështetjen e fuqishme të kryetarit Haziri, i cili na i ka lënë duart e lira për të punuar ashtu siç dimë dhe mundemi në mënyrën ma profesionale të mundshme.

### **Objektivat**

Zyra për Informim ka për objektivë në 6-mujorin e dytë 2019, komunikimin e përditshëm me publikun, vazhdimin e ciklit të dytë të konferencave për media dhe vazhdimin e transmetimit të drejtpërdrejt të seancave të Kuvendit Komunal.

Qeverisja e mirë nënkupton pjesëmarrje qytetare dhe vendimmarrje transparente. Komuna e Gjilanit, përmes Zyrës për Informim, kujdeset maksimalisht që të përmbushë këto standarde, e vetëdijshme se vendimmarrja transparente e rritë besueshmërinë e publikut te qeverisja lokale.

## **VIII. ZYRA PËR INTEGRIME EVROPIANE**

Misioni i Zyrës për integrime evropiane është që “Në bashkëpunim me instancat përkatëse lokale dhe qendrore, të mbështesë Komunën në arritjen e standardeve evropiane dhe përmbushjen e obligimeve të dala nga dokumentet strategjike nacionale për integrime evropian si dhe të koordinojë të gjithë çështjet lokale të procesit të integrimit evropian, përmes respektimit të praktikave dhe rregullave të përcaktuara nga BE-ja.”

Zyra për integrime evropiane gjatë periudhës gjashtëmujore ka zhvilluar një varg aktivitetesh që dalin nga obligimet dhe përgjegjësitë e saja.

Zyra ka përcjellë punën dhe aktivitet e Komunës;

1. Koordinimin e procesit të integrimit evropian;
2. Pjesëmarrjen në caktimin e prioriteteve komunale dhe zhvillimit të kornizës rregullative dhe të politikave nga ana e drejtorive sektoriale, me qëllim të reflektimit të obligimeve përkatëse në lidhje me integrimin evropian në kuadër të secilit sektor;

3. Monitorimin, raportimin dhe vlerësimin e rregullt të implementimit dokumenteve strategjike dhe prioritetve komunale të Kryetari i Komunës dhe autoritetet qendrore, përmes Ministrisë Përgjegjëse për Qeverisje Lokale;

4. Koordinimin dhe pjesëmarrjen në zhvillimin dhe implementimin e politikave dhe strategjive me qëllim të zhvillimit të kapaciteteve të komunave për të kryer më sukses të gjitha reformat e nevojshme, përfshirë monitorimin, raportimin dhe vlerësimin e rregullt të implementimit të tyre;

5. Ofrimin e mbështetjes të gjitha strukturave komunale në përmirësimin e konsultimeve dhe dialogun civil me shoqërinë civile lokale dhe palët e tjera të interesuara dhe publikun e gjerë në nivelin komunal.

6. Ngritjen e vetëdijes së administratës komunale, shoqërisë civile, mediave, komunitetit të biznesit, si dhe të publikut të gjerë mbi procesin e integritit evropian dhe promovimin e vlerave dhe standardeve evropiane.

7. ZKIE ka raportuar në mënyre permanente në MAPL dhe MI.

## **IX. ZYRA PËR KTHIM DHE KOMUNITETE**

Në pajtim me Rregulloren 01/2018 për kthimin e personave të zhvendosur dhe zgjidhjen e përhershme, me vendim të Kryetarit të Komunës më 15 janar, u krijua një Komision komunal për kthim, i përbërë nga 8 anëtarë.

Komuna e Gjilanit në fillim të vitit 2019 ka nënshkruar një Memorandum mirëkuptimi me DRC (Këshillin Danez të Refugjatëve) për projektin BPRM, ndihmë dhe mbështetje të familjeve të kthyer në drejtim të;

- Rindërtimin të shtëpive
- Projekte AG (projekte për hapjen e biznesit familjar)
- Projektet e granteve rurale

Në kontekstin e këtij programi, kemi pasur disa aktivitete, të cilat janë:

1. Puna në terren (plotësimi i një pyetësori për 80 familje)
2. Vlerësimet në terren për përdoruesit të mundshëm
3. Takim me drejtorin e Administratës Komunale, drejtorin për Bujqësi dhe drejtorin e drejtorisë të Zhvillimit Ekonomik
4. Dy takime publike me familjet e kthyer të interesuara dhe qytetarë të tjerë (informacioni rreth programit dhe projekteve të zhvillimit rural).
5. Tre (3) trajnime për përfituesit e zgjedhur për një grant rural
6. Trajnimi dhe përmirësimi i stafit të zyrës komunale për komunitete dhe kthim (menaxhimi në bazën e të dhënave, puna në programet kompjuterike etj.)
7. Punëtori dhe trajnime për anëtarët e komisionit komunal për kthim.

Përveç të gjitha aktiviteteve të lartpërmendura me partnerët nga DRC ne filluam me realizimin e rasteve individuale.

Është përfunduar rindërtimi i shtëpisë për një familje të kthyer në Gjilan.

Në periudhën e ardhshme në presim realizimin për përdoruesit të tjerë me projekte përkatëse, të cilat përmenden në pjesën e mëparshme të raportit.

Komisioni komunal për kthim, ka mbajtur dy (2) takime :

Takimi i parë i komisionit komunal.

U diskutua rreth katër (4) përfituesve potencialë për të ndihmuar në rindërtimin e shtëpive dhe projekteve AG (projekti i fillimit të biznesit). Të katër (4) përfituesit u pranuan në komision dhe janë rekomanduar në Komisionit Qendror për procesin e mëtejshëm.

Takimi i dytë i komisionit komunal

U diskutua rreth projektit grantit rural. Në total kanë aplikuar 18 aplikues në thirrjen publike që është shpallur nga DRC. Sipas kriterëve të DRC-së, u krijua një listë prej 10 përdoruesve. Komisioni komunal miratoi këtë listë prej 10 përfituesve.

MKK (Ministria për komunitete dhe kthim)

Si pjesë të këtij projekti të BPRM / DRC, u mbajt një (1) takim në nivelin qendror për katër (4) përfitues potencial të rekomanduar nga Komisioni komunal për kthim. Të katër (4) përdoruesit janë miratuar.

I jemi drejtuar me kërkesë Ministrisë për komunitete dhe kthim ku kemi kërkuar ndihmë për ndërtimin e tri (3) shtëpive për familje të kthyer të cilat janë në listën e prioritetëve. Dy (2) familje romë që jetojnë si qiramarrës dhe një familje nga komuniteti serb (nëna vetushqyese)

Gjatë kësaj periudhe kemi pasur disa vizita në terren (monitorim të të drejtave të njeriut dhe nivel të integritit) me përfaqësuesit e UNHCR-it. Monitorimi bëhet për familjet që janë të regjistruara dhe të asistuar gjatë 6-12 muajve të fundit. Gjatë monitorimit u konstatua se nuk kishte probleme të sigurisë, që familjet kishin qasje të plotë në të gjitha shërbimet publike në komunë dhe kanë rregulluar dokumentacionin personal.

Me punën në terren me përfaqësuesit e UNHCR-it tek anëtarët e komunitetit rom, ne kemi krijuar dhe rishikuar listën e të kthyerve që jetojnë si qiramarrës dhe janë raste sociale. Lista është dërguar Ministrisë dhe presim ndihmë adekuate në periudhën e ardhshme.

Nëpërmjet bashkëpunimit me përfaqësuesit e UNHCR-it dhe AT, me fëmijët e familjeve të kthyer të komunitetit rom, ne festuam Ditën botërore të fëmijëve përmes argëtimit dhe koktejit.  
- Dita ndërkombëtare e refugjatëve në komunën e Gjilanit u shënuar duke punuar me përfaqësuesit e UNHCR-it dhe AT në terren është biseduar me qytetarët dhe janë shpërndarë broshura dhe informatorë.

Puna në terren me stafin e UNHCR-it, ndihmë me një pako ushqimore dhe dru zjarri për katër (4) familje të komunitetit rom.

Me iniciativën e UNMIK-ut, është organizuar një tryezë e rrumbullakët në Prishtinë për të gjetur një donator për të ndihmuar familjet e kthyer. Në takim morën pjesë kryetarët e zyrave komunale për komunitete dhe kthim, si dhe kreu e misionit të UNHCR-it. Ata folën për problemet në procesin e kthimit, mangësitë financiare dhe probleme të tjera specifike në komunitetin jo-shumicë.

## **X. ZYRA E AVOKATIT TË POPULLIT**

Në zyrën e Avokatit janë kryer këto punë në raport me Gjykatat Kompetente dhe institucione tjera kompetente si në vijim:

1. Seanca gjyqësore në çështje juridike të ndryshme 281,
2. Padi nga Komuna 1,
3. Padi kundër Komunës 50
4. Përgjigje në padi 50,
5. Plotësim të përgjigjeve në padi 1,
6. Fjalë përfundimtare 41,
7. Ankesa 74,
8. Përgjigje në Ankesë 31,
9. Revizione 4, \_\_\_\_\_
10. Përgjigje në revizion 1,
11. Kërkesë për mbrojtje të ligjshmërisë 11,
12. Kundërshtime/Prapësime 10,
13. Parashtresa 77,
14. Kërkesa drejtorive 115,
15. Tërheqje të padive 1,
16. Aktgjykimeve – aktvendimeve të gjykatës themelore 158,
17. Aktgjykimeve – aktvendimeve të gjykatës së Apelit 59,
18. Pranimi i thirrjeve për seancë 140.

### **Detyrimet Kontingjente:**

**Gjithsejtë 10,000,000.00 (dhjetë milion).**

### **Sfidat 2019:**

1. Numri i madh i lëndëve gjyqësore në raport me komunën.
2. Problem mbetet edhe më tutje zgjidhja e çështjes së shpronësimeve që kanë ndodhur para lufte dhe pas lufte.
3. Hapja e rrugëve të ndryshme, nuk duhet të ndodh pa përfunduar shpronësimet në aspektin formal, si dhe të ketë ndonjë deklaratë nga pronarët në rast të hapjes së rrugëve që pajtohen dhe që heqin dorë nga paditë eventuale për kompensim për ndonjë rrugë që nuk është me interes publik.

4. Problem i vazhdueshëm mbeten lëndët e ndryshme nga fusha e arsimit dhe shëndetësisë (mos pagesave të pagave për angazhimet në punë në të kaluarën, mos pagesa e pagave me rastin e pensionimit dhe kompensimet tjera konformë kontratave kolektive etj.
5. Në këtë çështje problem në vete mbetet menaxhimi jo i mirë kontratave nga organi mbikëqyrës dhe që rezultojnë me efekte negative në procese gjyqësore.
6. Ende mungon një koordinim i mirë i veprimeve me drejtoritë dhe zyrat e komunës.
7. Mos përdorimi i emailave zyrtarë nga zyrtarët e ndryshëm komunal është një pengese në fushën e komunikimit që ndikon direkt edhe në punën tonë si zyrë.
8. Si dhe probleme të natyrave të ndryshme.

## **XI. ZYRA PËR PRESHEVË BUJANOCË DHE MEDVEGJË**

Në pika të shkurta do t'iu paraqes raportin gjashtëmujorë 2019, të zyrës për Preshevë, Bujanoc dhe Medvegjë 2019, lidhur me punën dhe aktivitetet që do t'i kem si zyre e që si zyre funksionojmë në kuadër të zyrës së Kryetarit të Komunës.

Gjatë kësaj periudhe gjashtëmujorë kemi mbajtur takime të rregullta me Zyrën për Azil dhe Migracion, MPB- Prishtinë, ku kemi diskutuar për qytetarët e Kosovës Lindore dhe jam njoftuar se së shpejti do të hyn në fuqi një Udhëzim Administrativ i cili udhëzim do t'ua mundësojë këtyre qytetarëve pajisjen me dokumente identifikimi të përhershëm ose të përkohshëm deri në plotësimin e kushteve për marrjen e Shtetësisë së Kosovës.

Ky udhëzim Administrativ është i gatshëm tani sipas informatave që kemi është nënshkruar nga ministri i MPB-së, dhe ka kaluar dëgjimet publike, po sipas zv.ministrit z. Zeka, tani janë duke kompletuar stafin dhe zyrat për shkak se pritet një fluks i madhe i qytetarëve për t'u pajisur me dokument identifikimi.

Gjatë kësaj periudhe në vazhdimësi kam pasur takim me qytetarët e Kosovës Lindore dhe të Maqedonisë së Veriut, i kam njoftuar lidhur me përmbajtjen e këtij udhëzimi administrativ i cili udhëzim ia lehtëson procedurat e nxjerrjes së letërnjoftimit të përkohshëm dhe të përhershëm edhe pse këta qytetar nuk kanë asnjë dokument identifikimi qoftë edhe nga shteti që vinë.

Po ashtu gjatë kësaj periudhe e deri më tani në zyre kanë qenë rreth 650 qytetar nga Kosova Lindore, Maqedonia Veriore që jetojnë në Gjilan, ku i kam pritur dhe të gjithë këta i kam njoftuar rreth këtij udhëzimi administrativ, i cili udhëzim siç e ceka më lart bënë lehtësirën e procedurave për t'u pajisur me letërnjoftim të përkohshëm apo të përhershëm.